

শ্রীশ্রীরাধাকৃষ্ণঃ

করতি ।

পরম স্বরূপের শ্রীকৃষ্ণ বাবু ইশানচন্দ্র মুখোপাধ্যায়

মহাশয় বহুগুণমণিরেখ ।

সমুচিত সম্মান পরঃসর নিবেদননিদং ।

মহাশয় আমি বহু প্রযত্ন পূর্বক এই রাসরসায়ন পুস্তক
প্রস্তুত করিলাম । এক্ষণে আমার একান্ত বাসনা যে এ
পুস্তক মজ্জিত হইয়া সর্বত্র প্রচার হয় । আপনি আমার
পরমদক্ষ এক বিত্ত, রসজ্ঞ, বিদ্যাভরাণীও হউন । বিশেষ-
তঃ যৎকালে আমি এই কাব্য রচনা করিতাম, তৎকালেও
আপনি ইহাদি নিগূঢ় রসাস্বাদনানন্তর যথেষ্ট পরিদৃষ্ট
হইয়া অত্যন্ত উৎসাহ প্রদর্শন করিতেন । এই সকল
ভাবের মিলন করত আমি আপনাকে অত্যন্ত সমর্পণ
পূর্বক এই ভার্য্যাপন করিতেছি, যে আপনাই ইহা স্ক্রুত
যথেষ্ট প্রকাশ করিয়া আমার এই কাব্যছলেতে সেই
ভুবনপতি ভক্তবৎসল ভগবানের প্রেমভক্তিরস বর্ণনের
সাধন করুন । ফলতঃ আমার এমত অভিলাষ নহে
যে কোন বিশেষ প্রতিক্ষণ বশতঃ এপ্রস্তে কোন ধনাঢ্যের
নামাঙ্কিত করি ; আপনি আমার বিশেষ প্রিয়পাত্র ;
আপনকার নাম সংযোজন করিলেই, পরম পরিভোষ
প্রাপ্ত হই ।

সন ১২৫৭)

২০ চৈত্র

একান্ত অধীন সুহৃৎ

শ্রীধারিকান্যাস্বরায়্য ।

গ্রন্থ প্রকাশকের ভূমিকা ।

গ্রন্থকারের অর্থ সামর্থ্যের অভাব প্রযুক্ত এই ক্ষুদ্র অথচ বহুগুণসম্পন্ন কাব্য প্রকাশ না হইবার সম্পূর্ণ সম্ভাবনা ছিল। কিন্তু বঙ্গীয় পাঠকবৃন্দের উত্তম পাঠ্য পুস্তকের অসম্ভাব বিবেচনা করিয়া এই কাব্যের গুণ সমূহ তাঁহাদিগকে বিদিত না করিলে আমরা সন্তুষ্ট থাকিতে পারি না। অতএব গ্রন্থকারের অভিনতায়সূত্রে আমরা এই রাসরসামৃত নামক কাব্য প্রকাশ করিতেছি। ইহা বিদ্বান্‌গুণীকর্তৃক আদর পূর্বক গৃহীত হইলে গ্রন্থকারের শ্রম সকল ও আমাদিগের অশীর্ষ সিদ্ধ হয়।

যদিও রাধাকৃষ্ণের রাসপ্রসঙ্গ সর্বত্র বিদিত আছে; তথাপি ইহা অদ্যাবধি কাহার দ্বারা স্বেচ্ছাসা মতে ও উত্তম সম্ভবে গোড়ীয় ভাষায় বর্ণিত হয় নাই। কিন্তু তৎ প্রযুক্তই যে আমাদিগের গ্রন্থকার তাঁহার রাসবর্ণন নিরবচ্ছিন্ন নিজ রচনাশক্তি দ্বারা সম্পন্ন করিয়াছেন, এমন নহে। তিনি অবশ্যই স্বীকার করিবেন যে এ রচনাতে অনেক সংস্কৃত গ্রন্থ হইতে সাহায্য প্রাপ্ত হইয়াছেন। বাহা ইউক এই রাসরসামৃত পাঠ করিলে স্পষ্টই প্রতীতি হইবে, যে ইহা কোন গ্রন্থের অবিকল অনুবাদ নহে; ইহাতে গ্রন্থকর্তার স্বরচিত অনেক নূতন ভাব ও বর্ণনা প্রভৃতি আছে, ও সে সমস্ত একপ স্বেচ্ছা, কালোচিত ও প্রস্তাবিত, প্রসঙ্গের পৌষক যে তাহাতে আমাদিগের কবির পাণ্ডিত্যের প্রচুর প্রমাণ প্রাপ্ত হওয়া যাইতেছে।

ইহার রচনা অতি সরল ও পদ সকল প্রায়ই মলিত
 অর্থাৎ চলিত সাধু সংস্কৃত শব্দে বিন্যস্ত। স্থানে স্থানে
 যে অপর শব্দের কদাচিৎক প্রয়োগ হইয়াছে, সে কেবল
 পদের সৌন্দর্য ও মিষ্টতার কারণ, তদ্ব্যতীত গ্রন্থের
 অলম্ব্যোপাস্ত পর্য্যন্ত তাবৎ শব্দের মালিত্য ও মাধুর্য,
 অর্থের পরিষ্কারতা, ছন্দের ঠিকচিত্র, এবং স্বভাবসিদ্ধ ও
 প্রকৃত ভাব সমস্তের দ্বারা রাসরসান্বিত গোড়ীঃ প্রস্তাভারের
 ভূষণ স্বরূপ হইয়াছে। এই কাব্যে কোন অত্যন্ত কুশ্রাব্য
~~কথন~~ অলম্ব্যোপাস্ত পাঠ্য নাই। ও ইহার প্রসঙ্গ আদিরস
 ঘটিত হইয়াছে যদি কাকতালীর বৎ কোন স্থানে রস
 বাহুল্য বর্ণন প্রযুক্ত উক্ত প্রকার দোষ দৃষ্ট হয়, তথাপি
 তাহা এমত গুরুতর নহে, যে বঙ্গীয় পাঠকবর্গের অকুচির ও
 প্রতিকটু বোধ হইবে। ইহাতে যে সমস্ত রূপক বর্ণন
~~দ্রষ্টব্য~~ তাহা সর্বথা সুসংলগ্ন, কচিৎ বৈলক্ষণ্য বোধ হয়।
 অপর পুস্পার, ত্রিপদী, চতুষ্পদী, প্রভৃতি ঝাঙ্কালান্বিতঃ
 ও ভূগক, মাত্রাবৃত্তি, পদ্যটিকী, এবং ছোটকাদি সংস্কৃতানু
 কাগি হৃদঃ যাহা ব্যবহৃত হইয়াছে তাহা নিয়ম বিরুদ্ধ
 হয় নাই। সংস্কৃত ও ব্রজভাষীর মঙ্গলাচরণ ও স্তব
 প্রভৃতি যাহা ইহাতে রচিত হইয়াছে, তাহাও ঐচ্ছিক উৎস
 যে পাঠক মাত্রেরই সে সমুদায় অনগ্রসে ~~ব্যবহৃত~~ হয়।
 এবং প্রারম্ভাবধি চরম পর্য্যন্ত গ্রন্থকার ~~প্রতিভা~~ গোপী
~~পদ্য~~র মুখ কুহর হইতে সময়ে সময়ে যে মনঃ ~~প্রতিভা~~ বিচার,
 ও তত্ত্ব নিঃসৃত করিয়াছেন, তাহাতে ইহার ~~সুন্দর~~ বৈচ-
 ক্ষণ্য প্রকাশ হইয়াছে, যে পাঠকবর্গ অবশ্যই তাহাকে উত্তম
 কবিরূপে পরিগণিত করিবেন সন্দেহ নাই। অপিচ আমা

দিগের কবি যে সমস্ত ভাব ও মত গ্রহীত্ব করিয়াছেন, তাহার মূল ও বিশেষতঃ যে যে সংস্কৃত শ্লোকাদি এই কাব্যের অর্থবোধে হেতু জাত হওয়া আবশ্যিক তাহাও নিজ পাঠক দিগের গোচরার্থ ইহাতে উদ্ধৃত করিয়াছেন।

কিন্তু প্রাপ্ত গুণসমূহ স্বল্পেও রাসরসায়নে দোষও থাকিতে পারে। যে হেতুক মনুষ্য রচিত কিছুই পরিপূর্ণ ও নিঃশঙ্কল হইতে পারে না। যাহা হউক ইদানী বাঙ্গালা কাব্যের যাদৃশ অবস্থা তদ্বিবেচনায় ইহাকে অতি উৎকৃষ্ট বলিয়া গণনা করা যাইতে পারে।

গৌড়ীয় ভাষার পাঠক সম্প্রদায়ের মধ্যে অধুনা অনেকের আশ্বাদন পরীর্ভন হইয়াছে, তৎপ্রযুক্ত বোধ হইতেছে যে কেহ কেহ এই কাব্য পাঠে পরাঙ্মুখ হইবেন। যে হেতুক ইহার প্রসঙ্গ আদিরস ঘটতি। কিন্তু এই দোষা-
রোপ করিয়া যে কোন কাব্য পাঠে আপত্তি উত্থাপন করা

সে অতি দুঃসংস্কার, ও সেই সংস্কারজনক বধি পাঠক দিগের অন্তঃকরণ হইতে সমূলে উন্মূলন না হইবেক তদবধি বাঙ্গালাভাষার উৎকর্ষ জন্মিবেক না। কারণ তাহা হইলে অনেক উত্তমান্তম পুস্তক পাঠ করা হয় না। ইংরাজদিগের মধ্যে কবিকুলতিলক শেক্সপিয়ারের কিশা সংস্কৃত কবীন্দ্র কালিদাসের যে সমস্ত রচনা আছে, তাহা এতাদৃশ শৃঙ্খার রসসম্মতকীর্তি, যে পুণ্ড্রোক্ত প্রকার পাঠের নিয়ম করিলে তাহাদিগের অত্যুৎকৃষ্ট রচনা সমস্ত কোনমতেই বিদ্যার্থীগণ উপলব্ধি করিতে সমর্থ হয় না। বিদ্বান্ সংসংহইতে যে সকল রচনা জনসমাজে প্রকাশিত হইবে, তৎসমুদায়

অশেষ দোষ স্বত্ত্বেও আদির পূর্বক গ্রহণ করত আদ্যন্ত পাঠ করিয়া, তদনন্তর তাহার দোষ গুণ ও ভদ্রপরি নিজ অতিমত, ব্যক্ত করা পাঠকের বিদ্যা ও ভাষার ঔৎকর্ষ্য হৃদ্বি করণের এক প্রধান কারণ; তাহার দৃষ্টান্ত ইংরাজ দিগের ব্যবহারে দেদীপ্যমান রহিয়াছে।

যাহা হউক অম্বদাদির একপ অতিপ্রার নহে যে অতি অপকৃষ্ট ও হীন রচনা, যাহা পাঠকগণের মনোনিীত নহে, তৎপাঠে উঁহাদিগকে প্রবর্তিত করি। কলতঃ এই রাসরসানুভব কাম্য যে পাঠ করণের উপযুক্ত ও উত্তম হইয়াছে তাহা বঙ্গভাষার বিশেষ সম্বল ব্যক্তি সকল স্বীকার করিয়াছেন। সংস্কৃত কালোজের অধ্যাপক শ্রীযুক্ত ঈশ্বরচন্দ্র বিদ্যাসাগর, শ্রীযুক্ত গিরীশচন্দ্র বিদ্যারত্ন, শ্রীযুক্ত দ্বারকানাথ বিদ্যাভূষণ, ও শ্রীযুক্ত মদনমোহন তর্কালঙ্কার প্রভৃতি সকলে এই গ্রন্থ দেখিয়া ইহার রচনাকে অনেক প্রশংসা করিয়াছেন, এক্ষণে সর্বসাধারণেও যে ইহাকে সেই রূপে সমাদর করেন, ইহা গ্রন্থকর্ত্তুর ও আমাদিগের মুখ্য অভিলষ।

শ্রীঈশানচন্দ্র মুখোপাধ্যায় ।

শ্রীশ্রীরাধাকৃষ্ণো

জয়তি ।



রাসরসামৃত ।

মঙ্গলাচরণ ।

তৎ নমামি নন্দমুখমীশমিষ্টকারণ ।

আদিভূতকারণঞ্চ কালভীতিবারণ ।

সর্বলোকনাথমঙ্গলীশবিশ্বতাবণ ।

ভক্তবৃন্দকীর্য্যজনায়ুগ্রকপহারণ ॥ *

* অনেকের মনোমধ্যে এইপ্রকার প্রগাঢ় প্রতীতি জন্মি-
য়াছে, যে অদ্বিতীয় ও অশরীরি আত্মারাম, শুদ্ধ অম্বর বদার্থ
মহুয্য দেহাবলম্বন করিয়াছেন । সুতরাং মৎ কৃত এই মঙ্গলাচ-
রণেতে তাঁহাদিগের বিলক্ষণ সন্দেহ জন্মিতে পারে । কিন্তু
সকলগানের নিগড় তত্ত্বের দ্বারা স্পষ্টই বোধ হইতেছে, যে
তিনি কেবল ভক্তগণের কারণ অপকৃপ যুগলরূপ ধারণ করি-
য়াছেন । নচেৎ অম্বরনিধনাদি ন্যাপার তাঁহার কটাক্ষে সম্পদ
হইতে পারে, সে ছন্দ মাত্র । যথা ।

ব্রজবোলীকি মঙ্গলাচরণ ।

স্বরহঁ রে রাই বনয়ারী ।
 কেবল দ্বিরমল প্রেম কি নিবসতি যুগল মূর্তি মনহারী ॥
 কিবা দোতল রসমাধুরী নিত্য পরম সুখ পারাবার ॥
 সুরসিক ভাবক সেবক জন মন মজতহি ততুপরি অনিবার ॥

— ০০০ —

জয় জয় রাধা বংশীধারী ।
 নিরুপম কপধর, নারিকা নায়কেশ্বর,
 প্রেগিক জনের মনোহারী ॥
 প্রেম বিনা কোন রস, করিতে না পারে বশ,
 জানি প্রেমে গজে ব্রজনারী ।
 সদা প্রেম রসাবেশে, বিহারি যুগল বেশে,
 দ্বারিকানাথেঁরে বশকারী ॥

চিন্ময়সাদ্বিতীয়স্য নিকলগ্যাশরীরিণঃ ।
 উপাসকানাং কার্যার্থং ব্রঙ্গণোরূপকল্পনা ॥
 স্মার্তপুত্ৰ যমদগ্নেৰ্কচনং ।

অপরঞ্চ ।

চণ্ডাপীনাং তপেতীনাঞ্চ সর্বেষামেব দেহিনাং ।
 যোঃ স্তম্ভচরতি সোঃ খ্যাতঃ এষ ক্রীড়নদেহ ভাব ॥
 অহুগ্রহায় ভক্তানাং যাহুঃ দেহশ্রিতঃ ॥ ইত্যাদি ।
 ক্রীভাগবতে দশমস্কন্ধে রাসক্রীড়াবর্ণনে ৩৩ অধ্যায়ে ।

ক্লেশসমাকুল ।

রাগিণী বেহাগ ।

তাল আড়া ঠেকা ।

মটবরে হেরিতে চলেছ রাসেশ্বর ।

আমারে নইয়ে যেতে হবে সঙ্গে করি ॥

ভারবাহী হয়ে আমি যাব গো সুন্দরি ।

দয়া করি প্রেমভার দেই শিরোপরি ॥

—ooo—

শ্রীবৃন্দাবন বর্ণন ।

দিল্লোকের মধ্যেতে ধরণী হৈল ধন্য ।

রাধাকৃষ্ণ লীলাস্থান যথা বৃন্দারণ্য ॥

নন্দন নিন্দন তথা নিকুঞ্জাদি বন ।

নাহি শৌর্য তাপ পাপ অকাল মরণ ॥

তরু নানা জাতি ফল লতার শোভিত ।

নানা পুষ্প প্রস্ফুটিত অতি সুবাসিত ॥

ফুলে ফুলে নখুরে নখু করে গান ।

নানা বিধ বিহঙ্গে সুরঙ্গে করে গান ॥

সারি সারি শারীশুক প্রেমে মত্ত স্থখে ।

রাধাকৃষ্ণ গুণ গায় পিক উর্ধ্বস্থখে ॥

একি অপকর্ণ নিত্য পূর্ণ চন্দ্রোদয় ।

* ইহার অতিপ্রায় এই যে বৃন্দাবনে নিত্যই রাধাকৃষ্ণ রূপ
পূর্ণচন্দ্রের উদয় হইত; নচেৎ একমাত্র গগনচন্দ্র, বৃন্দাবনে
নিত্য সম্পূর্ণ ভাবে উদয় হইলে সর্বত্রই তদ্রূপ হইবার সম্ভাবনা

রাসরসায়িত ।

মন্দ মন্দ সুগন্ধী মারুত নিত্য বয় ॥
 নিত্য নিত্য হৃত্য করে বঁত শিখিগণ ।
 নিত্যই বসন্ত নিত্যময়ের কারণ ॥
 মদন চেষ্টিত হয়ে বেষ্টিত স্বগণে ।
 রতি সহ রহিলেন সদা কুঞ্জ বনে ॥
 যথায় যমুনা নদী রম্যা অতিশয় ।
 আরো কত মনোমত আছে জলাশয় ॥
 বুঝি কাম রাধাশ্যাম রূপ নিরখিয়ে ।
 হইল সলিল ময় ভাবেতে গলিয়ে ॥
 যে যার ভক্ষক তথা রক্ষক সে তার ।
 ভুজঙ্গে বিহঙ্গে রঙ্গে একত্রে বিহার ॥
 প্রীতি করি ভ্রমে করী কেশরির সঙ্গে ।
 শার্দূলের সঙ্গে ভ্রমে কুরঙ্গে সুরঙ্গে ॥
 সুখ দুঃখ সম তথা নাহি অন্য তত্ত্ব ।
 পশু পক্ষিআদি রাধাকৃষ্ণ প্রেমে মত্ত ॥
 কীট পতঙ্গাদি রাধাকৃষ্ণের প্রসাদে ।
 সবে সুখার্ণবে মগ্ন পরম আনন্দে ॥
 ক্রিকক-সুখের কথা সব সুখ নয়ন
 যথায় বিরাজে সুখময়ী সুখময় ॥ *

* শ্রীকৃন্দাবনের যমুনা পুলিনে যে কেলিকদম বৃক্ষ, যাহার
 সুলেভে উপবেশন করিয়া শ্রীরাধাকান্ত জগৎ রাধেশ্রীরাধে ইত্যাদি

শরৎকাল পাইয়া সেই বৃন্দাবনচন্দ্রের সম্ভাষণ জন্য

গগন মণ্ডলে পূর্ণচন্দ্রোদয় হইল ।

আহা! আজি কিবা শোভা গগন সভায় ।

বার দিয়ে বসেছেন পূর্ণচন্দ্র রায় ॥

মঞ্চেতে মহিষী নিশি কিবা শোভাপায় ।

সুভা যারা তারা তারা বসিয়ে তথায় ॥

চুকোর চকোরী গণ নর্তক তাহায় ।

প্রজা যত যুবক যুবতী গণ প্রায় ॥

রসরস কর যারা মত্তত যোগায় ।

তহসিল দার তার আপনি অকায় ।

দি রবেতে বংশীবাদন করিতেন ; সেই বিটিপিরর কলি যুগেও
জীবিত থাকিবেক এমন প্রমাণ পুরাণে প্রাপ্ত হওয়া যায় ।

শ্রীবৃন্দাবন হইতে যে যে মহাশয়েরা এ অঞ্চলে আগমন
করেন, তাহারাও বর্ণন করিয়া থাকেন, যে সে বৃক্ষ অদ্যাপি
আছে বটে ; কিন্তু এখানে তাহার নবীন অবস্থা নাই । অপর
‘অক্রুরতীর্থভাণ্ডাগার’ নামক স্থানে অদ্যাপি নিশীথ সময়ে
শ্রীকৃষ্ণের বংশীধ্বনি হয় ; তজ্জাত্য সাধু মহাশয়েরা শ্রুতিতে
পান । বৃন্দাবনে আরও অনেক প্রকার আশ্চর্য্য ব্যাপার আছে ।

পুরাণে শ্রীবৃন্দাবনবর্ণনং যথা ।

সাহিত্যং জ্ঞানমূৰ্দ্ধন্যং বিষ্ণোরত্যন্ত বল্লভং ।

‘নিত্যং বৃন্দাবনং নাম ব্রহ্মাণ্ডোপরি সংস্থিতং ।

পূর্ণব্রহ্ম স্তুতৈশ্চর্যানিত্যমানন্দমবীয়াং ।

বৈকুণ্ঠাদি তদংশাংশং স্বয়ং বৃন্দাবনং ভূবি ॥

বংশীধ্বনি রূপা দূতী কর্তৃক শ্রীকৃষ্ণের কুঞ্জ বনে 'আগমন'

সংবাদ শ্রবণে গোপীগণের ভাবোদয় ।

এ রূপ স্রুধাংশু হেরিয়ে হরি ।

মনে হল যত ব্রজ সুন্দরী ॥

নিকুঞ্জ কাননে গমন করি ।

বাজান রসিয়ে রস বাশরী ॥

লৌকেশ্বর্য্যক যৎকিঞ্চিৎ গোকুলে তৎ প্রকীর্ত্তিতং ।

বৈকুণ্ঠাদি বৈতবং যৎ দারকায়াং প্রকাশয়েৎ ॥

যদ্ব্রজ পরমেশ্বর্য্যং নিতাং বৃন্দাবনাশ্রয়ং ।

তস্যাং ত্রৈলোক্যমধ্যোক্ত পৃথ্বী ধন্যোতি বিশ্রুতা ॥

ইত্যাদি ।

পাদ্মে পাতালখণ্ডে ১ অধ্যায়ে ।

বৃন্দাবন'শব্দস্য ব্যুৎপত্তির্থথা ।

যেন বৃন্দাবনং নাম পুণ্যক্ষেত্রঞ্চ চৌরতে ।

রাধাষোড়শ নাম্নঞ্চ বৃন্দা নাম শ্রুতো শ্রুতং ॥

তস্যাঃ জীড়াবনং রম্যং তেন বৃন্দাবনং স্মৃতং ।

গোলোকে প্রীতয়ে তস্যাঃ কৃষ্ণেন নির্মিতং পুরা ॥

ক্রীড়ার্থং ভুবি তন্নান্ন তেন বৃন্দাবনং স্মৃতং ॥

ব্রহ্মবৈবর্ত্তে শ্রীকৃষ্ণ জন্মখণ্ডে বৃন্দাবন প্রস্তাবে

১৭ অধ্যায়ে ।

বৃন্দাবনেশ্বরী শ্রীরাধিকা সাহস্রাং যথা ।

বৃষভাসুতা সাচ মাতা যম্যাঃ কলাকর্তী ।

ইক্ষস্যাঙ্কাদ্ভিসমুতা নাপ্লব্যা সদৃশী সতী ॥

গোলোকে বাসিনী সেয়মত্র কৃষ্ণাঙ্করাদ্বনা ।

অযোনিসম্ভবা দেবী মূল প্রকৃতিরীশ্বরী ॥

তাহার স্বরের কি গুণ মরি ।

জন্মিল দূতীর মুরতি ধরি ॥ * .

হাসি হাসি আসি পশি নগরী ।

জানার যেখানে যত নাগরী ॥

মাতুর্গর্ভঃ বায়ুপূর্ণঃ কৃদ্বাচ মায়া সতী ।

বায়ুনিঃসারণে কালে হুজাচ শিশুদিগ্ৰহঃ ॥ .

জানির্বদ্য সা সত্যঃ পৃথ্ব্যাং কৃষ্ণোপদেশতঃ ।

বদ্ধতে সা ব্রজে রাধা শুক্লৈঃ চন্দ্রকলা যথা ॥

শ্রীকৃষ্ণতেজসোচ্ছিন্ন মাচ মূর্ত্তিমতী সতী ।

একা মূর্ত্তির্বিধাতালেদো বেদে নিরূপিতঃ ॥

ইয়ং স্ত্রী নপুমান্ কিবা সাবা কাস্তা পুমানয়ং ।

দে রূপে তেষা তুল্যে রূপেণচ গুণেনচ ॥

পরাক্রমেণ বুদ্ধ্যাব জ্ঞানেন সম্পদেনচ ।

পূরতো গমনে নৈন কিস্তু সঃ বয়স্যধিকা ॥ ইত্যাদি ।

ব্রাহ্মণবর্ণৈঃ শ্রীকৃষ্ণজন্ম খণ্ড ১৩ অধ্যায়ে ॥

রাধা নানোচ্চারণানন্তরং কৃষ্ণ নানোচ্চারণ বিধিযথা ।

নারদউবাচ ।

আন্দোরোধঃ সমুচ্চার্য্য পশ্চাৎ কৃষ্ণং বিচূর্কযুধাঃ ।

নিমিত্তমস্যায়ং ভক্তং বদ ভক্তকল্যণপ্রিয় ॥

শ্রীকৃষ্ণউবাচ ।

নিমিত্তমস্য ত্রিবিধং কথয়ামি নিশাময় ।

জগন্মাতাচ প্রকৃতিঃ পুরুষশ্চ জগৎপিতা ॥ .

• গরীয়সীতি জগতাং মাতা শত গুণৈঃ পিতুঃ । •

*এ কেবল রূপক *অলঙ্কার দ্বারা পদ বিন্যাস মাত্র, নচেৎ
বংশীরব প্রকৃত দূতীরূপ ধারণ করেন নাই ।

রাসরসামৃত ।

ধরিয়ে মুরারি মোহন কপ ।

হয়েছেন কুঞ্জবনের ভূপ ॥

ষত কামিনীর কাছে ভূভঞ্জে ।

করিবেন কামে দমন রঞ্জে ॥

রাধাকৃষ্ণেতি গৌরীশেতোবৎ শব্দঃ প্রত্যৌশ্রুতঃ ॥

তদৈব ৫২ অধ্যায়ে ॥

রাধা শকস্য ব্যাভুতিৰ্যথা ।

রেকোহি কোটি জন্মাঘং কৰ্ম ভোগং স্তভাস্তভং ।

আকারো গৰ্ভবাসঞ্চ মৃত্যুঞ্চ রোগমৃত্যুজ্ঞেং ॥

ধকার আয়মোহানিমাকারো ভববন্ধনং ।

প্রবণ অরগোক্তিভাঃ প্রদশ্যতি নমঃ শরঃ ॥

প্রকারান্তরং ।

রেকোহি নিশ্চলাং ভক্তিং দাস্য কৃষ্ণপদাম্বুজে ।

সৰ্বপিস্তং সর্দানন্দং সৰ্বসিকৌচলীশ্ববৎ ॥

ধকারঃ মহাবাসঞ্চ তন্তুলাং কালমেবচ ।

দদাতি সাষ্টিং সারূপ্যং তত্ত্বজ্ঞানং চরৈঃস্বয়ং ॥

আকারস্তেজসোরশিঃ দান শক্তিং হরৌ যথা ।

যোগ শক্তিং যোগমতিং সৰ্বকাল হরি স্মৃতিং ॥

প্রত্যুক্তি অরগাদ্যোগমোহজালঞ্চ কিল্বিনমৎ ।

রোগশোকমৃত্যুময়া বেপন্তে নাত্র সংশয়ঃ ॥

তদৈব ১৩ অধ্যায়ে ॥

প্রকারান্তরং ।

রা শব্দশ্চ মহাবিকোর্বিশ্বানি যস্য লোমসু ।

বিশ্বপ্রাণিষু বিশেষু ধা ধাত্রী মাতৃ বাচকঃ ॥

ধাত্রী মাতাহমেতেষাং মূলপ্রকৃতিরীশ্বরী ।

তাই বলি এস বস ঘুবতি ।
 দেখিতে আঁখিতে কোঁতক অতি ॥
 তোমাদের অরি সে ছুরাচার ।
 আজি পাবে প্রতিফল তাহার ॥
 শুনিয়ে শীহরে সব সুন্দরী ।
 বলে কি দূতীর গুণ আমরি ॥

তৈল রাধা সমাখ্যাতা হরিণাচ পুরা বুধৈঃ ॥

তৈলৈব ১১০ অধ্যায়ে ॥

প্রকারান্তরং ।

রা শঙ্কোচ্চারণাস্তজো রাস্তি মুক্তিঃ সুদূরভাং ।

খা শঙ্কোচ্চারণাদ্ধর্মে ধাক্তোব হরেঃ পদং ॥

রা ইত্যাদানবচনোদ্যচ নির্দাণবাচকঃ ।

যতোহবাণোতি মুক্তিকসচ রাধা প্রকীর্তিতা ।

ইত্যাदि ।

তৈলৈব প্রকৃতি খণ্ডে বাধোপাখ্যানে ৩৫ অধ্যায়ে ।

কৃষ্ণ নামে ব্যাংপতির্ঘথা ।

কৃষিভূবাচকঃ শঙ্কো নশ্চনির্কৃতি বাচকঃ ।

তয়োতৈক্যং পরংব্রহ্ম কৃষ্ণ ইত্যতিধীয়তে ॥

ত্রীধরস্বামি বচনং ।

ভগবান্ বেদব্যাসাদি ঋষিগণ, ও শিব বিদিত্যাদি বৃন্দারক
 বৃন্দ, বেদাদি শাস্ত্র সমূহ দ্বারা এবং মুক্ত কঠোঁয়ে নির্মল প্রেম
 স্বরূপ মূল প্রকৃতি পুরুষের গুণ গণ বর্ণন করিয়া মনের তুলা
 নিবৃত্তি করিতে পারেন নাই; তবে এ দীন হীনের দ্বারা কি
 প্রকারে তাঁহার দিগের অগার গুণ পারাবার অবিস্তার রূপে
 বর্ণিত হইতে পারে ।

অন্য দূতীধরে ধায় প্রবণ ।
 ইহাতে ধায় রে জীবন মন ॥
 যে ধনী শুনে এ দূতীর ধনি ।
 অমৃতেরে মৃত ভাবে অমনি ॥
 হবেনা হবেনা কেন কি দুখে ।
 জন্মেছে জগত পতির মুখে ॥
 মিগম যাঁহার বদনোদ্ভব ।
 ইচ্ছায় যাঁহার হইল ভব ॥
 হেন জন মুখে জনন সার ।
 এগুণ কি কভু আশ্চর্য্য তার ॥
 বলিতে বলিতে সভার মনে ।
 যে ভাব জন্মিল শুন সৃজনে ॥

সংসর্গগুণ বর্ণন ।

কিহঁবে ছে গুণধাম, কে পুরাবে মনস্কাম,
 কেমনে পাইব শ্যাম, তব অঙ্গ সঙ্গ হে ।
 শুনেছি শাস্ত্রেতে কয়, সঙ্গগুণে কিনা হয়,
 সাক্ষী তার রসময়, মুরলীর রঙ্গ হে ॥
 চন্দন রনের কাছে, যত অন্য বন আছে,
 চন্দনই পাইয়াছে, শুনেছি ত্রিভঙ্গ হে ।
 তাই বলি শ্যামরাস, লয়ে যাও হে আমার,
 নহে নারী হবে কার, প্রাণ দেয় ভঙ্গ হে ॥

গৌড়ীগণের শ্রীকৃষ্ণ নিকটে আগমনের
ভার বর্ণন



এইরূপে বংশীরবে, মোহিত হইয়ে সবে,
হেরিবারে শ্রীকৃষ্ণবে, চলে দূরা করি রে ।
শিরীষের কি আবেশ, যে করিতেছিল বেশ,
ব্যতিক্রম হল শেষ, আহা মরি মরি রে, ॥
পদভূষা শিরে ধরে, শিরোভূষা পদে পরে,
কটিভূষা কণ্ঠে পরে, পরে সে নাগরী রে ।*
নাথের হৃদয়োপরি, স্থেছিল যে স্তম্ভরী,
চলে কোন ছল করি, আহা মরি মরি রে ॥
রক্তন ভোজন পশ্বে, কি পরিবেশন কর্মে,
যে প্রবৃত্ত সেইমর্মে, নবপরিহারি রে ।
লাজ ভয় সর্বশাশি, বাঁশীর হইয়ে দাসী,
বাহির হইল আসি, আহা মরি মরি রে ॥
মনে ভাবে পরস্পর, বংশী বরে পরাংপর,
ডাকিছেন মমোহর, মোরনাম ধরি রে ।

* অলঙ্কার শাস্ত্রের মতে এই প্রকার ভাবেই নাম বিভ্রম । যথা

বল্লভ প্রভাবলায়াং মদনাবেশনং ভ্রমঃ ।

বিভ্রমোহুরাণ্যাদিতুয়াহানবিপর্যায়ঃ ॥

উজ্জ্বল নীলমণৌ ।

চন্দ্রাবলী* তাবে সাধে, বাশরী আমারে সাধে,
রাধা তাবে বলে রাধে, আঁহা মরি মরি রে ॥

কিছু দেখে সে সকলে, যত গোপী কুঞ্জে চলে,
হাসিএ উহারে বলে, কোথা সহচরি রে ।

কহে যত রসেশ্বরী, আমারি নামটি ধরি,
ডেকেছে গো সে বাশরী, আঁহা মরি মরি রে ॥

শুনি যত গোপী গণে, আশ্চর্য্য মানিয়ে মনে—
পরস্পর সর্বজনে, কহিছে শীহরি রে ।

কিবা মুরলীর গান, মরি কি মধুর তান,
হরে লয় মনঃপ্রাণ, আঁহা মরি মরি রে ॥

* চন্দ্রাবলী, শ্রীরাধিকা বাতীত তাবৎ গোপিকা হইতে
মুখ্য, এবং শ্রীকৃষ্ণের নিত্য প্রিয়তমা, ইনি শ্রীকৃষ্ণ স্তন্য নিত্য
সৌন্দর্য্য বিশিষ্টা। এবং বৈদধ্যাদি গুণেতে আশ্রিতা। যথা

রাধাচন্দ্রাবলী মুখ্য। প্রোক্তা নিত্য প্রিয়তমজা ।

কৃষ্ণবসিতাসৌন্দর্য্যবৈদধ্যাদিগুণাশ্রিতা ॥

উজ্জ্বল নীলমণী ।

ইনি শ্রীমতীর পিতৃব্য চন্দ্রভানু নাম গোপকন্যা, শ্রীরাধার
নাথ ইহারো সমবয়স্কা সহচরী বহুতরা নবযুবতী; এবং কি-
শোরীর সঙ্গে ইহার সর্বদাই স্বপত্নী ভাব। ইহার স্বরূপ যথা

হেমাভাং মধুরস্বরাং বিধুমখীং গাঙ্কর্য্যবিদ্যারভাং,

নানাতুষণভৃষিতাজমধুরাং জাতীশুমলীশ্রুতং ।

বীণায়ন্ত্র সুবাহিনীং বরতম্বুং চিত্রাঙ্করং বিজ্ঞতীং,

খ্যায়ে কৃষ্ণপরায়ণাং সূচিবুকাং চন্দ্রাবলীং মঞ্জুলাং ॥

খাদ্যে উত্তর ধনে শিবনারদ সহোদে শ্রীরাধা জগদ্বীকথন,

মাহাত্ম্যে ১৬১ অধ্যায়ে ।

গোপীগণকর্তৃক বংশীধ্বনির
শুণ বর্ধন ।

আলো ধনি, হেন ধনি, শুনি নাই অবণে ।
একেবারে, সবাকারে, ডাকে বাঁশী কেমনে ॥
সেই স্বরে, মন সরে, ত্যজি দেহরতনে ।
—অনুরাগ, রাজা মন, দেহ প্রজা ভুবনে ॥
জেহু তবে, আর রবে, কেমনে গো ভবনে ।
যত দেহ, ত্যজি গেহ, চলিলেক গহনে ॥

—ooo—

এমন সময়ে পতিভয়ে ভীতা অথচ কৃষ্ণপ্রেমপ্রসাদিনী
কোন কামিনীর বেদোক্তি ।

মনে মোর এতই ভয়, পতি অতি দুরাশয়,
না জানি ফিরিছে কত মোরে তব করিতে ।
ফিরে ঘরে গেলে পরে, গঞ্জিবেক ঘরে পরে,
তবু রৈতে নারি ঘরে বঁধুর বাশরীতে ॥

শ্রীমতীকর্তৃক উত্তর প্রদান ।

লোকের গঞ্জে ভয়, করিলে কি প্রেম হয়,
বলনা বলনা ব্রজললনা গো ললনা ।

তটিনীর তটোপরি, বাঁকাঅঁধি অঁধি ভরি,
 হেরি গিয়ে মনোসাদে চলনা গো চলনা,
 নিত্যসুখ অবেষণে, ঋষিগণ রয়ে বনে,
 কি ভয় হিংসকগণে বলনা গো বলনা..
 যে জন জগত্‌সার, তাঁহারে ভজিতে আর,
 কেহ যেন কোন বাধা তলনা গো তলনা,

— ০০০ —

কোন গোপিকার দেহভাগানন্তর

ত্রীকুঞ্চ প্রাপ্তি ।

এইকপে কুলবনে যায় গোপীগণ ।
 এখানেতে গ্রাম মধ্যে শুন বিবরণ ॥
 এক সতী পতিভয়ে আসিতে না পারি ।
 হৃদিমাজে চিন্তা করে ত্রিভঙ্গমুরারি ॥
 ভাবিতে ভাবিতে শেষেষ্ঠাগ করি অঙ্গ ।
 সকলের আগে সেই পাইল ত্রিভঙ্গ ॥
 বিচ্ছেদবিকার তার হইল শরীরে ।
 কায়ে কায়ে তনুভাগ হইল অচিরে ॥
 স্তম্ভময় হৈল প্রাণ ভাগ করি কারি ।
 স্তম্ভপ্রাণ সবার আগে তার প্রাণ যায় ॥
 সব গোপিনীর চেয়ে তার ভাল ভাল ।
 শাপে হস্ত গেল বর মরি কি কপাল ॥

কোন কোন গোপিকার স্ব স্ব
গৃহেতেই শ্রীকৃষ্ণপ্রাপ্তি ।

আরো কতিপয় গোপী স্বামির শঙ্কায় ।
শ্যামদরশনে কুঞ্জে যাইতে না পায় ॥
সেই অপকৃপ কৃপ মদনমোহনে ।
—বিরলে বসিয়ে ধ্যান করে এক মনে ॥
অতি অসুরাগে ধ্যান করিতে করিতে ।
জ্ঞানচক্ষু ধ্যানধনে পাইল দেখিতে ॥
ভাগ্যবতী গোপিকার মনঃপ্রাণ সঞ্জে ।
বিহার হইল তাঁর মহা রঞ্জে ভঞ্জে ॥
যোগীন্দ্র মুনীন্দ্র যার সন্ধান না পায় ।
মেয়ে হয়ে গেলে তাঁরে হায় হায় হায় ॥
অতএব কিব' ভাগ্য

গোপীগণের শ্রীকৃষ্ণনিকটে আগমন ।

এখানে শ্রীকৃষ্ণে মন সঁপি গোপীকুলে ॥
ব্যাকুল হইয়ে ধায় কালী দিয়ে কুলে ॥
প্রেম ভরে অবশ্যঙ্গ খসিছে ছুকুল ।
টানিছে প্রেমের ডোরে কি করে ছুকুল ॥

রাসরসামৃত ।

ক্রমে আসি প্রণমিল শ্রীহরির পায় ।
 কমলকাননে যেন ভৃঙ্গ শোভা পায় ॥
 হেরিয়ে ঈষৎ হাসি মনঃপ্রাণ হরি ।
 ছলে গোপীগণে কিছু কহিছেন হরি ।

— ০০৬ —

ইতি শ্রীদ্বারিকানাথ রায় বিরচিত শ্রীরাসরসামৃতে মহা
 কাব্যে শ্রীপ্রেমদ্বারবিমোচনো নাম অথমোরসঃ ॥

শ্রীশ্রীরাধাকৃষ্ণে

জয়তি ।



রাসরসামৃত ।

অথ দ্বিতীয় রস ।



রাগিণী শোহিণীবাহার ।

তাল মধ্যমান ।

এতদিন পরে বিধি নিষি দিল করে রে ।
পাইলাম প্রাণপ্রিয় শ্যাম গুণাকরে রে ॥
শুন ওরে ব্রজভূমি, কি তপ করেছ তুমি,
নিরন্তর নটবর তোমাতে বিহরে রে ।
সদাই তোমার স্মৃথ, নাদেখ বিরহমুখ,
মোরে কেন চতুর্স্মৃথ, কুলবতী করে রে ॥



গোপীগণের প্রতি শ্রীকৃষ্ণের উক্তি ।

আমি সব জানি চরাচরে ।
আমি হে ত্রিলোকস্বামী, আমি হে অন্তঃস্থানী,
আমি থাকি বাহিরে অন্তরে ।



রাসরসামৃত ।

শুন বত রসবতি, যে কামিনী নিজপতি,
তক্তি যোগে না করে সেবন ।
এলোকে অবশ তার, পরলোকে নাহি পার,
এই সর্ব শাস্ত্রের লিখন ॥ *

—ooo—

পুনর্ব্বার ত্রীকৃষ্ণের উক্তি ।

যে ঘোর যামিনী, কুলের কামিনী, হইয়ে কামিনী,
এলে হে বনে ।
দেখিএ করম, কাঁপিছে নরম, ভয় কি সরম,
নাহিক মনে ॥
কেন গোপীকুল, ত্যজিয়ে ত্রি কুল, হইলে ব্যাকুল,
স্বরূপ কবে ।
পতি ত্যজি পরে, প্রাণ দিলে পরে, পাপ সিদ্ধপরে,
ভাসিতে হবে ॥
তাই বলি সকলে ঘরে ফিরে যাও । ‡

* এই কবিতাতে ত্রীকৃষ্ণ আপনাকে ভজনা করিতে গেহী-
গণকে নিষেধ করিলেন, এবং প্রবৃত্তিও দিলেন ; এই দুই অর্থই
ক্ষুণ্ণ হয় ।

‡ বিশেষতঃ ।

ভক্তঃ শ্রুতঃ স্নেহঃ স্ত্রীণাং পরধর্মোহমায়য়া ।
তদ্বন্ধনাৎকল্যাণ্যঃ প্রজানাঞ্চাত্মপোষণং ॥

শ্রীমতীকর্তৃক উত্তর প্রদান ।

বেদের ভারতী, ত্রিজগত্পতি, তুমি হে শ্রীপতি,

শুনোছি সব ।

তোমাতে ভজিয়ে, অধর্মে মজিয়ে, নরকে ডুবিয়ে,

রই হে রব ॥

হুঃশীলো দুর্ভগো বৃকো জড়ো রোগাধনোপিবা ।

পতিঃ স্ত্রীভির্গহাব্যো লোকে গম্ভীরপাভকী ॥

অশ্বগাময়শাখা ফল্লকুছুং ভয়াসহং ।

জুগুপ্সিতঞ্চ সর্কজহৌশপতাং কুলস্তমঃ ॥

শ্রীভাগবতে ১০ স্কন্ধে রাসকীড়াবর্ণনে ২৯ অধ্যায়ে ।

পুনশ্চ ।

ন তীর্থসেবা নারীণাং নোপবাসাদিকার্হক্ৰিয়াঃ ।

নৈব ব্রতানাং নিয়মোভর্তৃঃ শুশ্রূষণংবিনা ॥

ভর্তৃব যোযিতাং তীর্থং ভূপোদানব্রতং গুরুঃ ।

তস্মাৎসর্কজনা নারী পতিসেবাং সমাচরেৎ ॥

পত্ন্যাঃপ্রিয়ং সদা কুর্বাৎসচসাপরিচর্যয়া ।

তদাজ্জাহ্নুচরীভূত্বা তোষয়েৎ পতিবান্ধবান ॥

নেক্ষেৎপতিং ক্রুরদৃক্যো শ্রীয়েমৈব চরকচঃ ।

নাপ্রিয়ং মমসা বাপি চরেৎ পত্ন্যাঃ পতিব্রতা ॥

কায়েন মনসা বাচা সর্কদা পিয়কর্মভিঃ ।

যাশ্রীণয়তি ভর্তারং সৈব ব্রহ্মপদং লভেৎ ॥

মহানির্দানতন্ত্রে অষ্টমোহাশ্লোকঃ ।

রাসরসামৃত ।

যদি জগৎপতি, হৈল পরপতি, কোন মুঢ়মতি, ।

পতি কেশব ।

মরি হায় হায়, জেনেছি তোমায়, ভুলাবে কাহার

কথাতে তব ॥

অন্যাস্ত ।

পতিরেকোণ্ডরুদ্রীণাং —————

চানক্যসংগৃহীত সারসংগ্রহেণ

অপরঞ্চ ।

নগরস্থো বনস্থোবা পাপো বা যদি বা শুচিঃ ।

যাসাংস্ত্রীণাং প্রিয়ো ভর্তা তাসাং লোকা মহোদয়া ॥

ভর্তা হি পরমং ন্যার্য্য ভূষণং ভূষণৈর্দিনা ।

এষা বিরহিতা তেন শোভনাপি ন শোভন ॥

বিষ্ণুশৰ্ম্মসংগৃহীত হিতোপদেশে বিগ্রহখণ্ডে ।

কিঞ্চ

সা ভার্য্যা যা গৃহে দক্ষা সা ভার্য্যা যা প্রজাবতী ।

সা ভার্য্যা যা পতিপ্রাণা সা ভার্য্যা যা পতিব্রতা ॥

ন সা ভার্য্যোতি বক্তব্য্যাস্যা ভর্তা ন স্তব্যতি ।

তৃপ্তে ভর্তরি নারীণাং সন্তুষ্টাঃ সৰ্ব্বদেবতাঃ ॥

ভর্তা যস্য গুণান্ ক্রতে শী ন ধৰ্ম্ম সমন্বিতান্ ।

অগ্নিসাম্বিক মৰ্য্যাদো ভর্তা হি শরণং স্ত্রিয়ঃ ॥

ইত্যাদি ।

ভজৈব নিজলাভখণ্ডে ।

শ্রীকৃষ্ণকর্তৃক তদুত্তর প্রদান ।

পুনর্বার ছল করি কহেন শ্রীকান্ত ।
 ভাল যেন আমি ব্রহ্ম চিনেছ একান্ত ॥
 ভাল যেন পাপ নাই ভজিলে এ কান্ত ।
 কিন্তুলোকে বুঝিবেনা হলেও প্রাণান্ত ॥
 ঘরে পরে কলঙ্কিনী বলিবে নিতান্ত ।
 তাই বলি গোপীগণ প্রেমে হও কান্ত ॥

পুনর্বার শ্রীমতীর উত্তর ।

কলঙ্কের ভয় কি দেখাও রসময় ।
 তাই চাই শ্যামকলঙ্কিনী নাম হয় ॥
 যে রসেতে রসিক যে জন রসরায় ।
 সেই কথা জল্পনায় কাল তার যায় ॥
 শয়নে স্বপনে কিবা ভোজনে ভ্রমণে ।
 সেই ভাব ভাবয়ে সতত মনে মনে ॥
 করি সে যে কোন কর্ম রয় সে যেখানে ।
 মন কিন্তু থাকে তার সেই দিকপানে ॥
 সে রসে রসিক তারে যদি কেহ বধে ।
 ভাবে গদগদ হয়ে আঁহ্লাদেতে গলে ॥

রাসরসামৃত ।

যদি লোকে কলঙ্কিনী বলে গোপিকায় ।
সে কলঙ্ক ভুষণ হকৈ হে সর্বকায় ॥
যদি লোকে বলে গোপী হারাইল কুল ।
আমরা বলিব বঁধু পাইলাম কুল ॥
এভাবে ভাবক বিনা বুকে কোন জন ।
শুনিয়ে হাসেন হরি মদনমোহন ॥



শ্রীকৃষ্ণপ্রতি বৃন্দাদূতীর উক্তি ।

কাছে আমি হাসি হাসি বৃন্দাদূতী কয় ।
বুকেছি তোমার ভাব শুন শুনময় ॥
গোপিকার ভুরুযুগ ধরুর সমান ।
নয়নের তুণে আছে কটাক্ষের বাণ ॥
সেই চাপে সেই বাণ করিয়ে যোজন ।
প্রহার করিয়ে লয় হরিয়ে চেতন ॥
সেই ভয়ে বুঝি নাথ হইয়ে ভাবিত ।
ফিরে যেতে গোপীগণে কহিলে স্বরিত ॥



শ্রীকৃষ্ণের প্রত্যুত্তর ।

একি কথা প্রাণদুতি কহিলে কেমনে ।
তুমি অতি বুদ্ধিমতী এই বৃন্দাবনে ॥

যদি ও কটাক্ষবাণে হয় হে মরণ ।
অধর সুধায় পুন পাইব জীবন ॥
তাই বলি বল দেখি কি ভয় তাহার ।
বরং সে সুধায় যম জয়ী হওয়া যায় ॥
অগ্রে কিছু ক্লেশ পেয়ে শেষ এত সুখ !
হয় যার তারে সখি বিধাতা সুমুখ ॥

অতএব দূতি? আপনি গোপীগণকে আর আর কারণে
গৃহগণন করিতে অশ্রুগতি প্রদান করিতেছি ; নচেৎ এবি-
ষয়ে আমার লাভ ব্যতীত কোন দোষই হানি নাই ।

— ০০৭ —

পুনর্বার স্ত্রীরাক্ষর উক্তি ।

গোপিকার দেহরথে, অতিশয় মনোরথে,
সারথি হইলা মন শুন মহামতি হে ।
পদদ্বয় হয় তায়, তারা বা কেমনে যায়,
না করে সারথিবর যদি অহুমতি হে ॥
সারথির মনস্কাম, তোমারে ভুলিবে শ্যাম,
গোপীর শরীররথে ত্রাকবি অতি হে ।
তবে গুহে গুণাগার, কেমনে ভবনে আর,
ফিরে যেতে পারে সব নব রসবর্তী হে ॥

শ্রীকৃষ্ণের উত্তর ।

—বিধুমুখি বলনা তব সারথিরে ।
 শ্রীনন্দনন্দন না বিহরে জীববপুৰথবাহিরে ॥
 নিরন্তর অন্তরে বিহরে তিলেক অন্তর নাহিরে ।
 তবে কি মতে বাসনা পূর্ণ হইবে বলনা সথিরে ॥

—
 শ্রীরাধাকর্তৃক তত্ত্বত্তর প্রদান ।

—
 শুন গুণসাগর রসময় নাগর সুদীননাথ মুরারে ।
 জীবশরীরে গোপনভাবে বিহরিছ আত্মাকারে ॥
 বাহির হইয়ে বিহার করিলে কি দোষ তাহে বলনা ।
 তব ছল বচনে হে বংশীধর কভু ভুলিবে না ললনা ॥

—
 সকল গোপিনীর উক্তি ।

—
 শুন ওহে রসরায়, বিশেষ যে দুভিকার,
 পাঠাইয়ে ছিলে হে নগরে ।
 শুনিয়া তাহার বাণী, অমৃতেরে হৃত মানি,
 শ্রোত্রেন্দ্রিয় মোহিত অন্তরে ॥

—
 এই হৃদঃধর মাত্রাবৃত্তি, অর্থাৎ লঘু গুরু উচ্চারণাধীন পাঠ্য ।

শ্রোত্রের দেখিয়ে গতি, নেত্রের হইল মতি,

দর্শন করিতে তব মুখ ।

করদ্বয় জানি ইহা, করে আলিঙ্গনে ইহা,

ভাবে তলে যায় মনোদুখ ॥

এ তত্ত্ব জানিয়ে পদ, হয়ে ভাবে গদগদ,

বলে সবে চিন্তা দূর কর ।

স্বচ্ছন্দে নবাবে বয়ে, এখনি বাইব লয়ে,

যেখানেতে জগত্-ঈশ্বর ॥

শুনিযে ইন্দ্রিয়পতি, মনরায় মহামতি,

সকলে আশ্বাস দিবে বসে ।

আমি আগে দেখে আসি, কেমন সে গুণরাশি,

পরে লয়ে যাব হে সকলে ।

এক বলি মন এল, আর নাছি ফিরে গেল,

রাজা বিনা প্রভা হত হয় ।

তাই করি প্রাণ পণ, এসেছি হে নারায়ণ,

ফিরে নিতে মন গুণগয় ॥

ভূমি প্রভু অনারাসে, মনোভূপে নিজ পাশে

লুকায় রাখিলে চুরি করি ।

যদি তারে দেহ ফিরে, ফিরে বাই ধীরে ধীরে,

ওহে বঁধু মনোচোর হরি ॥

চিরকাল নীলমণি, ভূমি চোরচূড়ামণি,
 ক্ষীর ননী করিতে হরণ ।
 রাজপথে আসিছুটে, গোপীর পসরা লুটে,
 করপুটে করিতে ভোজন ॥
 তাতে কিছু বড় ক্ষতি, হতো না হে ব্রজপতি,
 তুচ্ছ খাদ্য দ্রব্য বৈত নয় ।
 শরীরের সার ধন, চুরি করি নিলে মন,
 কেমন বিচার রসময় ॥
 মনে যদি নিলে হরি, প্রাণে রাখ সন্দেশে করি
 গন ছাড়া প্রাণ নাহি রয় ॥

—000—

প্রাকৃতিককর্তৃক উত্তর প্রদান ।

—••—

হায় মোরে মনোচোর বলিলে কেমনে ।
 তোনরাতো বড় সাধু এতিন ভুবনে ॥
 মরাল বারণ হতে হরেছ গমন ।
 "দহতে মুখছ"দি করেছ হরণ ॥
 সিংহ হতে কটি নিলে করিয়ে চাতুরী ।
 নিতম্বতে ছীপের উচ্চতা কর চুরি ॥
 অতএবকত আর করিব হে নাম ।

তবু মোরে চোর বল রাম রাম রাম ॥
 বিধিও ভেমতি শ্রুতি করেছে প্রদান ।
 সকলেরি বুকে কুচপাষণ চাপান ॥
 মলকপ বেড়ি পায় তবু দর্পসার ।
 চালনী বলেন সূঁচে কি ছিজ তোমার ॥
 সে যাহক কেহ কেহ এসেছ যে বেশে ।
 গজ্জায় উন্মত্তগণ ভ্রমে দেশে দেশে ॥
 ণি সে সবার মন হইল চেতন ।
 লাজ উপাঞ্জল অঙ্গে পড়িয়ে নয়ন ॥
 একেএকে সবে হরি জিজ্ঞাসে কারণ ।
 চতুর! গোপী কি বলে শুন সর্বজন ॥

—
 প্রশ্নোত্তর প্রবন্ধ ।

কৃষ্ণ—কে : হে একপ বেশ কহনা স্বকপ ?
 গোপী—তোমার বংশীর শ্রবণ কি কব ত্রীকপ ॥
 কৃষ্ণ—বসন ভূষণ কেন বিপরীত ভাব ?
 গো—ভাবে বুন প্রণয়ের এমতি প্রভাব ॥
 কৃষ্ণ—শিরোভূষা কি হেতু চরণে শোভা পায় ?
 গো—তোমারে দেখিবে বলি ধরিয়াছে পায় ॥
 কৃষ্ণ—অঙ্গন কি হেতু ভালো খঞ্জনন্যুনে ?

গো—অগ্রসর হইয়ে দেখিতে সাধ মনে ॥
 কৃষ্ণ—কহণ কি হেতু কর্ণে কহনা আমার ?
 গো—কাণে ধরে টেনে আনে দেখাতে তোমার ॥
 কৃষ্ণ—নামার বেশোর ধনি কি কারণ করে ?
 গো—সময় না পেয়ে কর এই কপ করে ॥
 কৃষ্ণ—একি দায় নারীরে কথায় আঁটা ভার ?
 গো—এত মিথ্যা কথা নয় ভেব না অসার ॥
 কৃষ্ণ—যাহা কহি দিপরাতি ঘটাত তাহা কহ ?
 গো—এমন ভাবিলে বধু তবে বড় দায়ু ॥
 কৃষ্ণ—কুলবালা অবলা সরলা কতু নয় ?
 গো—ছাড়িওনা প্রমাণ না দিলে রসময় ॥
 কৃষ্ণ—শুন নে প্রমাণ তবে গোপাঙ্গনাগণ ?
 গো—কহ দেখি বাঁকা আঁখি শুনি সে কেমন ॥

—ooo—

হলে শ্রীকৃষ্ণকর্তৃক নারীনিন্দা ।

—

অবলা সরলা নারী কোন মূঢ়ে বলে ।
 তবে আর কেবা বলী খল ভ্রমণে ॥
 শুমিয়াছি ভীম নাকি বড় ভীম বলী ।
 কিন্তু সে তাহার বলংগদাতে কেবলি ॥

নারীর বলের কথা বলে সাধ্য কার ।
 * অস্ত্র শস্ত্র গদাদিতে কি কাজ তাহার ॥
 বারেক ভঙ্গিমা যারে করান্ দর্শন ।
 তখনি সে প্রায় যায় শমন ভবন ॥
 অস্ত্র শস্ত্র গদাদি করেন যদি করে ।
 তা হলে সংসার আর না জানি কি করে ॥
 সরলাও এই রূপ কি কহিব আর ।
 “যেমন্ দেব ভূষণ বাহন তেমন্নি তার”
 সপ্তপে সকলে বলে খনের প্রধান ।
 কিন্তু সে কখন নয় নারীর সমান ॥
 কাছে আগি সর্প যদি করয়ে দংশন ॥
 তবেত জীবের হয় তখন মরণ ॥
 দূরে থাকি নেজে নারী হেরেন যাহারে ।
 তখনি অমনি প্রাণে বধেন তাহাবে ॥
 সু ধীর সুধীর উক্তি “বিধে বিষ ক্ষয়”*
 সপ্তপে যদি পুনঃ দংশে বাঁচে সে নিশ্চয় ॥
 নারীগণ পুনঃপুন দৃষ্টি দেন যত ।

* অস্য কবিত্তেয়ং

দৃষ্টিং দেখি পুনর্কালে হরিণায়তলোচনে ।
 প্রযতে হি পুরা লোকে বিষয়া বিষমৌষধং ॥
 • শূন্য তিলকে ।

ততই করেন নরে ক্রমে ক্রমে হত ॥
 তাই বলি গোঁপীগণ বুঝনা বিচারে ।
 রনতায় ভুজঙ্গ কি জম্মী হতে পারে ॥
 কিন্তু এক গুণ আছে কামিনী সবার ।
 ছুঃখ পারাবারে তাই নরে হয় পার ॥
 সর্প দেখে কাছে এলে অবশ্য মরণ ।
 কামিনী আইলে কাছে জীবের বাঁচন ॥
 দূরে থাকি কটাক্ষে বপেন প্রাণ যার ।
 কাছে এলে করেন জীবন দান তার ॥
 বিশেষত ক্রীমুখের স্থখা দেন যার ।
 কটাক্ষের যে ক্লেশ তখনি তার যায় ॥
 মহা স্থখী হয় যেন করে স্বর্গ পায় ।
 এই হেতু নারীবশ পুরুষেতে প্রায় ॥
 ভাল ভাল এক কথা জিজ্ঞাসি সবার ।
 প্রেম যে করিবে তবে প্রেম কহে কায় ॥

—+•••••—

চন্দ্রাবলীকর্তৃক প্রেমবর্ণন ।

শুন রসময়, প্রেম পরিচয়, রূপ তার অপকূপ ।
 নিমি ইন্দীবর, অঁরি মনোহর, বদন সরোজ রূপ ॥

লাজেতে চপলা, হইল চপলা, হেরিয়ে তাহার হাসি ।
 তাহার বচন, না শুনে যে জন, সে হয় স্মৃতা প্রয়াসী ॥
 স্বভাব সরল, অতি নিরমল, তুলনা কি হবে চাঁদে ।
 কলঙ্কী সে জন, বিখ্যাত ভুবন, যুগহরণাপবাদে ॥
 স্তার মজিবর, পরম সুন্দর, আবেশ আখ্যান দার ।
 খেদে কঁাদে প্রাণ, হয়ে কপবান, এল তৃপ্তিশক্তি তার ॥
 সে যারে দেখায়, সে যারে চিনায়, তারে প্রেম ভাসে ।
 শয়নে স্বপ্ননে, ভোজনে জননে, রাখে তারে চিদাকাশে ॥
 নিরন্তর সুখে, থাকে মুখে মুখে, এই সাধ অনিবার ।
 বিরহবাদন, দেখিতে কখন, বাসনা নাহিক তার ॥ .
 মিলন সনয়ে, বিরহের ভয়ে, ভাবিয়ে ব্যাকুল মনে ।
 বিরহ যখন, মিলন কারণ, সতত মগ্ন রোদনে ॥
 দোষ গুণ তার, না করে বিচার, বরং দোষে গুণ ভাবে ।
 যদি কটু কয়, তাহা সয়ে রয়, বরং গদগদ ভাবে ॥
 গুরুর গঞ্জে, লোকের লাঞ্জে, কিছু নাহি ভয় হয় ।
 হলে পরসঙ্গ, তাহারি প্রসঙ্গ, লাজ ভয়ে নাহি ভয় ॥
 হলে সে কুকপ, না ভাবে বিকপ, ভাল বাসে নিশি দিবা ।
 'আহা মরি ময়ি, দেখ প্রাণহরি, আবেশের শক্তি কিবা ॥
 কাল কপে তাই, মজিয়ে সবাই, হয়েছি তোমার দাসী ।
 .শুনি সে ভারতী, মোহিত ত্রীপতি, অধরে না ধরে হাসি ॥

শ্রীরাধার উক্তি ।

আরো শুন ইরি, নিবেদন করি,
 প্রেমে আর ব্রজে প্রভেদ নাই ।
 যত মূঢ়মতি, এধনের প্রতি,
 প্রতিবাদী হয় কেন কানাই ॥
 ব্রহ্মের ভজনে, ভবনে স্বজনে,
 শয়নে ভোজনে, ঔদাস্য জ্ঞান ।
 মান অপমান, গবলি সমান,
 স্বস্থান কুস্থান, বোধ সমান ॥
 লোক লাজ ভয়, কিছু নাহি রয়,
 নীচানীচ ভেদ নাহিক মনে ।
 কি শুচি অশুচি, দুয়ে সম কুচি,
 দয়া মায়ী সব সেএক জনে ॥
 প্রেমোপাসনার, তেমতি ব্যভার,
 দেখনা বিচার, করিয়ে মনে ।
 তাই প্রেমধন, করি আরাধন,
 ব্রজ সনাতন, ভাবি সে ধনে ॥

শ্যাম হে তুমি সেই প্রেমময় মাত্র স্তুত্যাং তুমিই ব্রজ,
 আমরা অবশ্যই তোমার প্রেমের দাসী হইব, কোন বাধা

মানিব না, কোন গতে ভুলিব না ; অতএব প্রার্থনা করি*

পঙ্কজলোচনে, কৃপাবলোকনে, মমপ্রাণ মনে,

রাখ হে হরি ।

ভব স্তৃধা পান, করে মনঃ প্রাণ, হয়ে সাবধান,

দিবা সর্পরী ॥

মনঃ প্রাণ হয়, চঞ্চলাতিশয়, বিচ্ছেদের ভয়, .

তাইত করি ।

* আনার প্রেমময়ী রসবতী রাধে ; ধন্যা ধন্যা জগন্মান্য
রাসকন্যা সতী ; আহা নরি তোমার কিবা বুদ্ধির প্রখরতা,
ভগবান্দ্বেষে আর প্রেমেতে যে কিছুমাত্র প্রভেদ নাই,
তাহার সংশয় কি । এদুখ ভগবান্নর যেরূপ রূপ ও লক্ষণ প্রে-
মেরো সেই প্রকার সর্বস্ব ; আর প্রেমের অধিষ্ঠাতৃদেবতা স্বয়ং
শ্রীকৃষ্ণ যথা ।

• চিত্তবঃস্পারিতাবঃ প্রেমা শ্যামকলেবরঃ ।

• শ্রীকৃষ্ণদেবভঃ শুদ্ধ স্বভাব প্রকৃতিভঃ ॥

• ভোক্তদেবীয় রসকৌমুদাং ।

অতএব এই প্রেম পরিপক্ব হইলেই সেই অতুল্য অমূল্য ধন
যে নিভা সুখ তাহা অবশ্য লাভ হয় যথা ।

• প্রেম পরিপক্ব হৈলে হয় মহারাগ ।

• মহারাগ হয় যার সেই মহাভাগ ॥

বনয়ারি গোবিন্দ প্রকাশিত রসতরঙ্গিনী গ্রন্থে ।

তা হলে আমার, কাম বিষে আর, নাহিক নিস্তার,,

কেমনে তরি ॥ *

—000—

শ্রীকৃষ্ণের প্রসন্নতার গোপীগণের অহঙ্কার ও,

তদ্বারা শ্রীকৃষ্ণের অন্তর্ধান ।

তখন—শ্যামে নিরন্তর দেখি যত গোপীগণ ।

যুঝিল সম্মত হৈল মদনমোহন ॥ ‡

কেহ আসি হাসিহাসি পীত ধতি ধরে ।*

কেহ বা ভূভঙ্গ করে রস রঙ্গ তারে ॥

কেহ বনফুলে মালা গাঁথি দেয় গলে ।

কেহ বা শ্রীপদযুগ মুছায় অঙ্কলে ॥

কেহ তাঁর কর নিজ পরোধরে ধরে ।

কেহ গুণগান গায় স্তমধুরসরে ॥

কেহ পুষ্প শুক্লয়ে চুড়ায় পরায় ।

কেহ বলে কাম পূর্ণ কর শ্যামরায় ॥

কেহ চন্দ্রমুখ পানে এক দৃষ্টে চায় ।

বলে কেন পলক হইল হারি হারি ॥ .

* এই কবিতাতে তিন অর্থ স্ফুর্তিহয়; প্রথমার্থ শ্রীকৃষ্ণের প্রতি শ্রীরাধার উক্তি; দ্বিতীয়ার্থ শ্রীরাধিকার প্রতি শ্রীকৃষ্ণের উক্তি; তৃতীয়ার্থ শ্রীকৃষ্ণের প্রতি গ্রন্থকারের প্রার্থনা । .

‡ যে হেতুক “মৌনং সম্মতি লক্ষণং” । .

মনে মনে মহা দর্প হইল সবার ।
 ত্রিলোকে এমন ভাগ্য কোথা আছে কার ॥
 দিনেশ গণেশ শেষ বিধি কালী কাল ।
 সন্ধান না পান যাঁর সাপি সর্বকাল ॥
 সে ধন শ্রীবৃন্দারণ্যে গোপিকার ধন ।
 ধন্য ধন্য বৃন্দারণ্য ধন্য গোপীগণ ॥
 এই রূপে ব্রজাঙ্গনা মহা গর্দভ করে ।
 অন্তর্মুখি ভগবান্ জানিলা অন্তরে ॥
 গোপিকার অহঙ্কার করিবারে চূর্ণ ।
 রাখা সঙ্গে একা শ্যাম অন্তর্হিত তূর্ণ ॥
 যদি বল দৌড়ে একা সে আর কেমন ।
 ভাবক সেবক বিনা কে বুঝে কারণ ॥
 এক ব্রহ্ম ত্রিলোকেশ ত্রিলোক তারণে !
 প্রকৃতি পুরুষ রূপে ভেদ বৃন্দাবনে ॥*

*যথা । দক্ষিণাঙ্গশ্চ ত্রীকুণ্ঠো বামাঙ্গাচ্চ রাধিকা ।
 বভূব গোপীসংঘশ্চ রাধায়া লোমকূপতঃ ॥
 রাধাবামাংশভাগেন মহালক্ষ্মীর্বভূবসী ।
 চতুর্ভুজস্য বা পত্নী দেবী বৈকুণ্ঠবাসিনী ॥
 ত্রীকুণ্ঠলোমকূপৈশ্চ বভূবুঃ সর্গ বজ্রবাঃ ॥
 ব্রহ্মবৈবর্তে প্রকৃতথং রাধাপাখ্যানে ৪৫ অধ্যায়ে ।
 স্বয়ং দেবী হরেঃক্রেড়ে ছায়ায়াগ্নিকামিনী ॥
 তদৈব ।

বনে বনে পদব্রজে চলিতে চলিতে ।
 কমলিনী সতী অতি ব্যথা পান চিতে ॥^{*}
 কাতর হইয়ে কৃষ্ণে কহেন শ্রীমতী ।
 আমি আর চলিতে না পারি প্রাণপতি ॥
 আপনার প্রকৃতির বাড়াইতে মান ।
 রাখারে করেন ক্ষক্ষে স্বয়ং ভগবান্ ॥^{*}
 দিধুমুখী অপোমুখী লজ্জা পোয়ে মনে ।
 ঈশং হাসিয়ে মুখ ঢাকেন বসনে ॥[†]

† অত্র শ্রীশৈবদেব্যান গোপীনা বর্ণন কবেন্ ; য়ে য়ে গোপীকে লইয়া শ্রীকৃষ্ণ অন্তর্হিত হন, তাঁহারও অর্থাৎ রাধারও মনো-
 মধ্যে অহঙ্কার জন্মিয়াছিল । এ জন্য দর্পহারি রামেশ্বর তাঁহা-
 কেও বিরহ সাগরে বিসর্জন পূর্বক অন্তর্হিত হইয়াছিলেন ।

যথা ।

সাতমেনে তদাহ্বানং বরিকং সর্ব যোষিতং ।
 হিদ্ভা গোপীঃ কাময়ানা মালসৌভজ্যতে ত্রিয়ং ॥
 ততো গদ্বা বনোদ্দেশং দৃষ্টা কেশবমক্ৰবীৎ ।
 ন পারযেহঞ্চজিহুং নমসং যত্র তে মনঃ ॥
 এবমুক্তঃ সতানাহ ক্ষমাকুহাতামিতি ।
 ততশ্চাত্মদধে কৃষ্ণ সাবধূর্যবতপাত ॥

ভাগবতে ১০ স্কন্ধে রাসকীড়া বর্ণনে ৩০ অধ্যায়ে ।

কিন্তু যিনি শুদ্ধ প্রেমদয়ী মূলপ্রকৃতি ; বাঁহার চরিত্র অহ-
 ঙ্কারের লেশ মাত্র শূন্য ; যিনি কেবল সুখময় প্রেমের ব্যাপার
 ভিন্ন আর কিছুই জানেন না ; আমি ভজনহীন সাধারণ নর,
 কি প্রকারে তাঁহার এ প্রকার অহঙ্কাররূপ পাপবিকার বর্ণন

অত্র শ্রীকৃষ্ণের এই প্রকার ব্যবহার দেখিয়া গ্রহকারের
মনোমধ্যে এই ভাবোদয় হইল।

অপকুপ শ্রীরাধার প্রেম।

তাই মন বলি সাব, যেরে কাজ নাহি আর,

সেই প্রেমে মজ হবে ক্ষেম ॥

যদি বল প্রাণ সম, যেরে আছে নাদী মন,

কত সুখ তার আলিঙ্গনে।

করিতে পারি; যে কতক অহঙ্কারের পব আর রিপু নাই;
“নাহঙ্কারাৎ পরোরিপুঃ” গোস্বামীজী সাক্ষাৎ ভগবান্ “ব্যাসো
নারায়ণঃস্বয়ং” তাঁহার লকলি শোভা পায়। বিশেষতঃ প্রেম
পক্ষে অহঙ্কারাদি অতি গর্হিত, তাহাতে কোন কলঙ্ক নাই।
কেবল নির্মল আত্মবীজলসদৃশ বিষমচিন্তা ব্যক্তির শীলতা
দ্বারা যাহার অবয়ব নির্মিত হইয়াছে। অতএব যিনি এই
অঙ্গত্বকে এমন পরম পদার্থ প্রেম নিধির শিক্ষা প্রদান
করিতেছেন, এবং যিনি প্রেমের তাহাজ্জা বিস্তার করিতে অব
নীতে অবতীর্ণ হইয়াছেন, তিনি কি এই প্রকার তাহাতে
কলঙ্ক যোজন করিতে পারেন। অপর শ্রীকৃষ্ণচন্দ্র যে শ্রীমতী-
কে কীর্ষ্যে করিয়াছিলেন, তাহার প্রমাণ। যথা।

সৌভাগ্যে ব্রজকুলবধু সার্থী সীমন্তরত্নং,

বা কংসারৈরতিগুণবতী স্বক্ৰমপ্যাকুরমাহ।

সেয়ং রাধা ব্যথয়তি তনুং ধূলিভির্ধূষয়াদী।

নীহারাক্ষঃ স্পিডনয়নাঃ শাখিনো রৌদয়ন্তি ॥

উদ্ধবদুত কাব্যে।

কিন্তু তার এই রতি, ক্ষুদ্র জ্ঞান যেন রতি,
রাই রতি আছে যার মনে ॥

তথাপি কেমন নায়াজাল ।

জানিয়ে সকল তত্ত্ব, সংসার পালনে মত্ত,
হয়ে আছে কি ঘোর জঞ্জাল ॥

রাধার মধুর হাসি, যেমন পীযুষ রাশি;
হাসি নয় সে প্রেমের ফাঁসি ।

তবু নারী ঈষৎ হাস্য, তবু নারী রূপ আশ্য,
কেন এত ভাল বাসাবাসি ॥

অনুরোধ রাখহ আমার ॥

দেখ দেখি একবার, বশ হয়ে রাধিকার,
কত সুখ হয় হে তোনার ॥

ধিকুরে অবোধ মম, প্রিয় তব হেন জন,
যে অনিত্য জল বিশ্ব কর্ত ।

যৌবন যে আছে তায়, সে অশীত শশিপ্রায়,
দেখিতে দেখিতে হয় হত ॥

ভাব দেখি ভাব শ্রীরাধার ।

যে চিরযৌবনী ধনী, রমণীর শিরোমণি,
অজর অমর তনু বঁার ॥

সে রূপ রূপত আর, ত্রিভুবনে পাওয়া ভার,
সর্বরূপ বা হতে জন্মান ।

যুঁজরে কন বংশীধারি, আমুর রাই কি নারী,

স্মরের শরের খর শান ॥

কি বর্ণিব চরিত্র তাঁহার ।

যেন অতি স্নহীতল, নির্মল জাহ্নবী জল,

শুদ্ধ তার প্রেমের ব্যাপার ॥

দেখ দেবদেব শিব, জীবে যিনি দেন শিব,

তাঁর নাথ প্রভু ভগবান্ ।

চুড়ায় রাধার নাম, লিখিয়া সে গুণধাম,

• ~~যস্মরিতে~~ সদা গুণ গান ॥

বলিহারি প্যারীর পিরীতে ।

তাহে স্থানাস্থানি নাই, কালাকালে নাহি ভাই,

পার সদা সর্বত্র ভজিতে ॥ †

ভাবিলে ভাবক জনে, এই জাব সেই ফণে,

তাঁহার উদয় হয় স্পষ্ট ।

অশ্রু স্তম্ভ স্বরভেদ, রোমাঞ্চ বেপথু শ্বেদ,

বৈবৰ্ণ প্রলয় এই অষ্ট ॥ *

† যথা । যত্নেকাগ্রতা তজাবিশেষাদিত্যাদি ।

বেদান্তে ৩ অঙ্কে ৪ পাদে ।

যথা । স্তম্ভঃ শ্বেদশ্চ রোমাঞ্চঃ স্বরভেদোহথ বেপথুঃ ।

• বৈবৰ্ণমশ্রু প্রলয় ইত্যষ্টৌ সাত্ত্বিকাস্মৃতাঃ ॥

অলঙ্কার কৌস্তুভে ।

ইহার সাদৃশ্য ভাব নাম ।
 ভাবিতে রাধার অঙ্গ, যার হয় এই রঙ্গ,
 পায় সেই নিত্য স্নেহ ধাম ॥
 অধিক কি কব আর, চমৎকার ভাব তার,
 জীবনে বিমুক্ত হয়ে রয় ।
 কোন ভেদ নাহি ধরে, শুদ্ধ মত্ত ভাঁধ হরে,
 উদার চরিত্র রসময় ॥
 নাহি তার কিছুই নিয়ম । ‡
 কর্মকাণ্ড আছে যত, কিছুতে না হয় রত,
 শুচি কি অশুচি তার লক্ষ্য ॥
 ফণে ফণে থেকে থেকে, শুক্লমাত্র উঠে ডেকে,
 বন্ধুগণ কে আছে তাপিত ।
 হয়ে অতি বেগবান, প্যারীর প্রেমের বান,
 যয়ে যায় এস হে স্বরিত্তি ॥
 না পারি চিনিতে মূঢ় যত ।
 যদি ব্যঙ্গ করে তারে, কি ক্ষতি করিতে পারে,
 মৃদুবাতে টলে কি পর্বত ॥

‡ যথা ।

পদে ব্রজাণি বিজ্ঞাতে সমন্তৈর্নির্মলৈরঙ্গৈঃ ।

ভালবৃন্দেন কিংকার্য্যং লঙ্কে মলয়মাক্রতে ॥

কুলাণবে ।

অতএব শুন মন, সেই নিত্য সুখ ধন,

• যদি তব থাকে প্রয়োজন ।

রাই প্রেমে মজ মজ, রাই রূপ ভজ ভজ,

সদা করি একান্ত মনন ॥

যুগল রূপেতে তাঁরে ভাব ।

~~নাথ~~ ত্রিভঙ্গ সঙ্গে, বিহার হতেছে রঙ্গে,

অপার সুখদ এই ভাব ॥

ব্রহ্মের প্রকৃতি প্যারী, আকৃতি শ্রীবংশীধারী,

• এ হেতু ছয়েরি হও বশ ।

• তাঁহারে ~~সুখ~~ বেশে, ভজ মন মহাবেশে,


দ্বারিকানাথের এই রস ।



ইতি শ্রীদ্বারিকানাথ রায় বিরচিত শ্রীরাসরসামৃতে

শ্রীপ্রেমমুখাবলোকনে নাম দ্বিতীয়ঃ সঃ ।

শ্রীশ্রীরাধাকৃষ্ণ
জয়তি ।



রাসরসামৃত ।

অথ তৃতীয় রস ।



গোপীগণের শ্রীকৃষ্ণবিরহ বর্ণন ।

রাগিনী বারোঁরা !

ভাল ঠুংরি

বিরহ রে ! ত্যজ গোপিনী গলো

মড়িলে গমন হবে শমন ভবনে ॥

আমরা কালার লাগি, হইব রে ভ্রাতৃভাগী,

তুই হবি মৃত্যু ভাগী, কি কারণে । ক্র ॥

নাহি হেরি হরি যত ব্রজের ললনা ।

বলে সখি হল একি উপায় বলনা ॥

হাতে দিয়ৈ হেন নিধি পুন নিল হসি ।

এই ক্রি বিধির বিধি আহা মরি মরি ॥

একুল ও কুল আজি মেল দুই কুল ।

কেমনে বাইবে কুলে কুলবত্তী কুল ॥

অকুলে পড়িয়ে প্রাণ করে গো আকুল ।
 লাভের মধ্যেতে শ্যাম করিল বাতুল ॥
 কুল পেল তবু নাহি পেলাম কেশবে ।
 লাভে হতে কুলকলঙ্কিনী নাম হবে ॥
 কে বলে সে নটবরে দীনদয়াময় ।
 তা হলে কি অবলার এত দুঃখ হয় ॥
 কে বলে হরির নামে রোগ শোক করে ।
 তা হলে বিরহ রোগে গোপিনী কি মরে ॥
 কুল বাল্য অবলা আনিয়ে ঘোর বনে ।
 যজ্ঞেন্দ্রে প্রস্থান প্রভু করিলে কেমনে ॥
 সিংহ ব্যাঘ্র সমাকুল নিবিড় গহন ।
 দ্বিষাম যামিনী তাহে অত্যন্ত ভীষণ ॥
 এতে কি নারীর প্রাণ বাঁচে হে ত্রিভঙ্গ ।
 একে ঘোর বিরহ দহনে দহে অঙ্গ ॥
 জানা গেল তুমি যত প্রেমিক সূজন ।
 তা হলে এমন প্রেম কর কি ভঞ্জন ॥
 প্রথম মিলন মাত্র বিচ্ছেদ ঘটন ।
 এ দুঃখ হইতে মুক্ত্য ভাল নারায়ণ ॥
 কিন্তু তব কৃষ্ণনাম মহিমা কেমন ।
 স্মরণেতে মরণের হয় হে মরণ ॥

কি কাল কালার প্রেম মরণো বিমুখ ।
দেখ দেখি প্রাণ সখি কেমন অমুখ ॥



বিরহ বিকার বর্ণন ।

অনন্তর গোপীগণ, সমর্পণ করি মন,

ভাবিছেন ভব কর্ণধারে ।

ভাবিতে ভাবিতে বেশ, অদ্ভুত ঘটিল শেষ,
সকলে ভুলিল আপনারে ॥

ভাবনার বিকারেতে, গোপিকার শরীরেতে,
কিছু মাত্র নাহি বাহ্য জ্ঞান ।

কেহ ভাবে আমি হরি, কি আশ্চর্য্য হরি হরি,
জ্ঞানবানে বুঝে এ সজ্ঞান ॥

কেহ বলে ব্রজনারী, দেখ আমি বংশীধারী,
হের মোর কি বন্ধিম আঁখি ।

আনন্দে আমার সঙ্গে, বিহার করহ বৃন্দে,
সদা মম প্রতি মতি রাখি ॥

যে ভাবেতে জীনিবাস, হরিয়ে ছিলেন বাস,
সেই ভাবে কোন গোপী বলে ।

যদি সবে ষোড় করে, প্রণমহ দিনকরে,
তবে বস্ত্র দিব হে লকরে ॥

সেই প্রভু ভগবান্, যেমন গমনে বান,

• যেমন চাহিলি চান তিনি ।

হয়ে ভাবে চল চল, সেই সর্ব অবিকল,

• দেখায়েন কোন বিরহিনী ॥

যে ভাবে কদম্বতলে, বসিতেন কুতুহলে,

• • • • • সে ভাব দেখান কোন ধনী ।

হৃদ্যবনে রসরাজ, করিলেন যে যে কাজ,

• • • • • দেখালেন যতেক রমণী ॥*

* ক্রীমদ্ভাগবতে এই ভাব অত্যন্ত বিস্তার রূপে বর্ণিত আছে ।
গোপীগণের এতাদৃশ চিত্ত বিভ্রমের তাৎপর্য্য এই, যে একান্ত
চিত্তে যে ব্যক্তি যাহা ভাবনা করেন, তিনি ভ্রমরভা প্রাপ্ত
হয়েন । যথা ।

রান্ধিণী শোহিনী বাহার । তাল মধ্যমান ।

যে জন বা ভাবে সদা তা হয় সে জন ।

দেখ তৈলপায়ী তার আছে নিদর্শন ॥

পেশকৃত যে সময়, বেগে আসি ধরে তার,

ভয়ে তার রূপ ভাবি হয় সে তেমন ।

অতএব মিত্য ধনে, ভাবনা রে কি কারণে,

যারে ভাবি তৎস্বরূপ হবে সর্বক্ষণ ॥

বিশেষতঃ ক্রটিতে এমন প্রমাণ দৃষ্ট হইতেছে, যে নর
ব্রহ্মকে জানিলে ব্রহ্ম হয়েন । যথা ।

ব্রহ্মবিদ ব্রহ্মৈব ভবতি । •

এ বিষয়ে অহনক শাস্ত্রে ভূরি ভূরি প্রমাণ আছে, কেবল টকা
বাছল্য ভয়ে সংগ্রহ করিলাগ না । •

শ্রীকৃষ্ণ নাবিক-ইইয়া গোপী গণকে যমুনা পার কবণ
কালীন শ্রীরাধিকার প্রতি যে প্রকার উক্তি করিয়া
ছিলেন ; সেই প্রকার ললিতা সখী * আপনাকে শ্রীকৃষ্ণ
জ্ঞান করিয়া, বিশাখা সখীকে রাধাভ্রমে কহিতেছেন ।

* সখীদিগের মধ্যে ললিতা বা অনুরাধা, বিশাখা, চম্পক
লতা, চিত্রা, তুঙ্গবিদ্যা, ইন্দুলেখা, রক্তদেবী, স্নেহদেবী এই অষ্ট
সখী সৰ্ব্বপ্রধান।। যথা।

পরম প্রেষ্ঠসখ্যাস্ত ললিতা সবিশাখিকা ।

সচিত্রা চম্পকলতা তুঙ্গবিদ্যেন্দুলেখিকা ॥

রক্তদেবী স্নেহদেবী চেতা সৰ্ব্বগুণাগ্রিমা ॥

উজ্জ্বল নীলমণী ॥

ইহারা রাধা কৃষ্ণের পরম প্রিয়তমা ও অত্যন্ত বিশ্বাস পাতি,
এবং নিরুপম রূপ গুণ বিশিষ্টা; রাধা শ্যামের তবত গোপনীয়
কর্ম ইহাদিগের দৃষ্টিপথে হইত; ভগবান চন্দ্র শ্রীমতীর সহিত
বিহারার্থ কুঞ্জবনমধ্যে নানা রত্ন বিনির্মিত অষ্টদলপদ্মাকার
যে কেলিমঞ্চ প্রস্তুত করিয়াছিলেন, তাহার অষ্টদলে ঐ অষ্ট
সখী উপবেশন করিতেন। মধ্যস্থলে শ্রীরাধাগোবিন্দ ভুবন
মনোহর রূপে বিরাজ করিতেন। ঐ অষ্টসখী শ্রেণীয় নারীবর্গ।
ইহাদিগের মধ্যে ললিতা সখী সৰ্ব্বপ্রধান।। ইহাতে দুর্গতে
আর রাধিকাতে কিছুমাত্র ভেদ নাই। যথা।

যা দুর্গা সৈব ললিতা ললিতা সৈব রাধিকা ।

এতাসামন্তরং নাস্তি সত্যং সত্যং হি নারদ ॥ *

পাণ্ডে পাতালথণ্ডে রাসলীলায়াং নারদং প্রতি শ্রীকৃষ্ণ বাক্য ॥

কটিতে কমন, যে নীল বসন, হবে হে দূষণ,

রমণীমণি ।

জান করি যন, যদি যন যন, বহয়ে পবন,

এগনয়নি ॥

কেমনে তরিতে, উঠিবে স্থরিতে, নারিবে তরিতে,

বিধুবদান ॥

ললিতাস্তোত্রঃ ।

শ্রীরাধা প্রিয়মঙ্গলীঃ বিধু স্তম্বীঃ কংকণপ্রিয়ঃ প্রেমসীঃ

হেমাদ্যঃ পরিসাদিনীঃ স্নগদ্যবধানাঃ স্তবেশামরাঃ ।

সদ্ব্রতরত্নোন্মত্ততত্ত্বঃ নিত্যঃ জগমোহিনীঃ

বন্দে শ্রীললিতাঃ কুঞ্জনয়নীঃ পীতাম্বরোবুতাঃ ॥

পাণ্ডে উত্তরখণ্ডে শ্রীরাধাজন্মটীনী ব্রতকথনমাহাত্ম্যে

১৬২ অধ্যায়ে ।

অপর কলাবতী, স্তভাঙ্গদা, হিরণ্যঙ্গী, বত্নলেখা, শিখাবতী
কন্দর্পমঞ্জরী, কুলকলিকানঙ্গমঞ্জরী, এই অষ্টমখী ও রাধা
শ্যামের পরম প্রিয়পাত্রী । ইহাঁদিগের শ্রেণীর নাম বর
প্রথমমণ্ডল । যথা ।

বরভূনাভিধীয়ন্তে এতা অষ্টা হি কন্যকঃ ।

সর্বা চাঁদশবর্ষীয়াস্তাসানন্দয়া কলাবতী ॥

স্তভাঙ্গদা হিরণ্যঙ্গী বত্নলেখা শিখাবতী ।

কন্দর্পমঞ্জরী কুলকলিকানঙ্গমঞ্জরী ॥

শ্রীকৃষ্ণপরিবারমালায়াঃ ।

দ্বিতীয়মণ্ডল বর শ্রেণীতে বিস্তর গোপিকা ইহাঁরদিগের প্রত্যে
কের বিশেষ পরিচয় শ্রীকৃষ্ণপরিবারমালাতে বিস্তারিত রূপে
বর্ণিত আছে ।

বিশাখা সখীও ললিতাকে শ্রীকৃষ্ণজ্ঞানে উত্তর
প্রদান করিতেছেন ।

ওহে পীতাম্বর, এই নীলাম্বর, এখনি সঙ্গর,
তাজিতে পারি ।

অন্য পরিধান, করি পরিধান, রসের নিধান,
হে বংশীধারি ॥

সহজে তোমার, যে নীল আকার, কি বিধান তার •
বল মুরারি ॥

অতএব শ্যাম হে এস, তোমার শিরে ঘেঁষি টালিয়া দিয়া,
নীলবস্ত্র ঢাকিয়া দি ‡

পরে—চৈতন্য পাইয়ে যত ব্রজগোপিনীর ।

নিরন্তর নীরজ নয়নে বহে নীর ॥

আহা—মনে মনে কত ভাব হয় গো উদয় ।

একে একে করুণা করিয়ে সবে কয় ॥

‡ এই প্রহ্লাদর প্রবন্ধ কবিতা ছয়ের ভাব এই শ্লোক হইতে
গৃহীত ।

রাধে কুং পরিমুগ্ধ নীলবসনং প্রাকৃষ্ণ নাবং মম •
বাতোরিহসমুদ্ভূতাদ্যদি বহেমগ্না ভবেমোরিয়ং ।
সত্যক্ষেং বসনাস্তরং রারিদধাম্যাদৌ ভুয়া স্বং বপুঃ
শ্যামং শ্যামনবীননীর্দসমং তৈক্কেঃ সমাচ্ছাদ্যতাং ॥
নৌকাখণ্ডে ॥

তত্র প্রথমতঃ চন্দ্রাবলীর উক্তি ।

খেদে—চন্দ্রাবলী বলে নাথ কোথায় রহিলে ।

ছল করি অবলারে দহিলে দহিলে ॥

যত — গোপিকার মনোদুঃখ জাননা কি হরি ।

তব পাশে মন আছে দিকস সন্দরী ॥

বঁধু — আমরা যেমন মন দিয়াছি তোমায় ।

তুমি যদি দেহ মন ব্রজ গোপিকায় ॥

তবেঃ— দুঃসহ বিরহক্লেশ জানি হে নাগর ।

কি আর কহিব ওহে গুণের সাগর ॥

—ooo—

চিত্রা সখীর শ্রীকৃষ্ণের প্রতি আক্ষেপ ছলে ভৎসনা ।

শ্যাম হে শুনেছি পুরাণে সার, তুমি নাকি বহু ভবের ভার,
স্বামীস্বামী নারীর ভার তোমার, এতই কি হল ভারি হে ।*

আমরা কৃষাঙ্গী কামিনী হরি, তবু প্রাণ পণ করি আমরা,
সতত তোমারে হৃদয়ে ধরি, এই সাধ অনিবারি হে ॥

তোমারে সেকপ হে গুণাগার, বহিতে ভার না দিব হে ভার,
বিচ্ছেদ ক্ষেদ্রের ভার তোমার, সহিতে হবে মুরারি হে ।

শুনেছি তুমি হে জগতবল, তোমার এ বল নাই কি বল,

* এই কবিতার প্রতি শেষ চরণের তিন বর্ণ, গুরু লঘু উচ্চা-
রণাধীনপাঠ্য ।

ওই তুচ্ছ ভার বহ কেবল, ওহে গিরিবর ধারি হে ॥
 গভীর ছন্তর ভবসাগর, পারের নাবিক তুমি নাগর,
 তবে বিরহের সরিছুপর, কেন ভাসাইলে নারী হে ॥
 আমরা যে করে সাগর পার, নদী পার করা ভার তাহার,
 এ কথা কাহারে সুধাব আর, ওহে মুনি মনোহারি হে ॥




চম্পকলতা সখীর নিজ নয়ন প্রতি খেদোক্তি।

শুন রে নয়ন, তোরে কবিতা, বলে নাগর প্রকৃতী রে।
 তাই অতি সুখে, তোমার সম্মুখে, রাখিয়েছিলাম হরিনে ॥
 তব-অযতনে, সে নীল রতনে, নিল কোন জনে হরি রে।
 হইয়ে রক্ষক, হইলি ভক্ষক, হায় হায় হরি হরি রে ॥

নয়নের উত্তর।

শুন বিনোদিনি, প্রেম প্রয়াসিনি, কেন নোর দোষ দেহ গো।
 অধিক কিকব, দারী হয়ে তন, বিক্রয় করেছি দেহ গো ॥
 করিতে দমন, পারে গো নয়ন, গোচর হয় যে কেহ গো।
 ছরিরে হরণ, করেছে যে জন, সে জন বিরহা দেহ গো ॥



ভূপবিদ্যা সখীকর্তৃক রচনা।

শ্যাম হে—পুরুষের প্রাণ, শরের সমান,
 যুবতীজনের ধনুর প্রায়।

ধনু প্রাণ পণে, প্রেমের কারণে,
 ডোরে বাঁধা পড়ি বাঁকিয়ে যায় ॥
 তবু পোড়া বাণ, দয়া হীন প্রাণ,
 মিলন মাত্রেরে করে প্রস্থান ।
 দিক নারীগণে, এ পুরুষ সনে,
 মজিয়ে ভজিয়ে বিকায় প্রাণ ॥
 বিশেষত দিক্, দিক্ শতাদিক্,
 ব্রজের পাপিনী গোপিনীগণে ।
 হেন জনে প্রাণ, করেছে প্রদান,
 যে দুষ্ট পুরুষশ্রেষ্ঠ ভুবনে ॥

—•••••—

ইন্দুলেখা সখীর ফল তাঁরে প্রণত কোন বৃক্ষের
 শাখার প্রতি উক্তি ।

তুহে শাখা সখারে করেছ দর্শন ।
 বুকিলাম নত শিরে আছ সে কারণ ॥
 কে বলে যক্ষের ভারে শাখা তুমি নত ।
 সে কথা কথার কথা অতি অসঙ্গত ॥
 এই পথে দেখি মোর নটবর শ্যাম ।
 নত শির হইয়ে তাঁরে করেছ প্রণাম ॥
 অতএব তাঁরে ভূমি করেছ দর্শন ।
 বল কোন পথে গেল সে পীতবসন ॥

রঙ্গদেবী সখীর নিজ করের প্রতি উক্তি ।

শুন মম কর, কি কর কি কর, প্রাণ বংশীধর,
গেল কোথায় ।

কে ছল করিয়ে, লইল হরিয়ে, নারিলে ধরিয়ে,
রাখিতে তার ॥

সে প্রাণ কালায়, হারায় হেলায়, এ ব্রজ বালায়,
ফেলিলে দায় ।

যুগল আঁখিতে, দেখিতে দেখিতে, মিশাল চকিতে,
হার রে হার ॥

করের উত্তর ।

শুন ওলে ধনি, সুধাংশুবদনি, কি হেঁতু আপনি,
দোষ গো মোরে ।

আমি অতি দীন, তোমারি অধীন, চির দিন,
আজ্ঞার ভোরে ॥

দেখ তব মন, ইন্দ্রিয় রাজন, তাহারে যে জন,
হরয়ে জোরে ।

ও প্রাণ ললনা, নিগূঢ় বলনা, করি কি ছলনা,
রাখি সে চোরে ॥

স্বদেবী সখীর বিরহ রোগ ।

বিরহ নিকারে হরি, বুঝি আজি প্রাণে মরি,
তোমা বিনা ত্রিভুবনে কেবা করে জ্ঞান হে ।
যত রোগ ত্রিসংসারে, ঠৈবদ্যের ঔষধে সারে,
এ রোগে ঔষধ শুধু ও বিধুবয়ান হে ॥

কলাবতী সখীকর্তৃক কন্দর্পের ব্যবহার বর্ণন ।

কে বলে সজনি, দিবস রজনী, রতিপতি ভয় করে গো শিবে ।
ফা হলে সবার, যয়ন্তু আকার, কুচ দেখি আর কেন আসিবে ॥

শুভামদা সখীর নিজ স্তনের প্রতি উক্তি ।

—পয়োধর রে শুন মম বাণী । ‡
কিকারণ কবিগণ তোলে শাস্ত্র বলে কারণ না জানি ॥
হইলে স্মরহর ভাবি ভক্তবর আসিত শ্রীবনমালী ।
শিরে দিগ্নে কর অভয় দান করি নাশিত তব মন কালী ॥
ভক্ত তাঁর জীবন সদৃশ পিয়তম ভক্ত ভগবদভেদ ।
ভক্ত দুঃখ অসিহ তাঁহার কহে সর্ব পুরা । বেদ ॥ *

‡ উহা মাহাব্যক্ত হৃদঃ স্মরণ্যং ভগ্ন গুরু উচ্চারণার্থীন পাঠ্য ।
* যথা । ভক্ত ভক্তি ভগবন্ত গুরু নাম চত্বর বপু এক ।
এন্থে চরণ বন্দন করত নাশে বিঘ্ন অনেক ॥
ভক্ত মালকি গোহা ।

হিরণ্যাদী সখীকর্তৃক চন্দনের প্রতি ভৎসনা ।

চন্দনে চর্চিত আর করিব না অঙ্গ ।
 বিষ সম দক্ষ করে বিনা সে ত্রিভঙ্গ ॥
 যখন হল গো, সখি শ্যাম অঙ্গসঙ্গ ।
 শীতল করিল মম মনঃ প্রাণ অঙ্গ ॥
 সময়েতে সখা অসন্যে এই রঙ্গ ।
 কেন না হবে লো বার প্রিয়ত ভুজঙ্গ ॥

— ০০০ —

রুব্রলেখা সখীকর্তৃক প্রেমের প্রতি দিক্কার প্রদান ।

শুন সহচরী, দিবস সর্বরী ,
 অরশরে যদি যায় জীবন ।
 তবু প্রেম পথে, আমি মনোরথে,
 যাব না যাব না এই সে পণ ॥
 দেখ দেখি কালা, দিল কতু জালা,
 কাননে আনিয়ে যুবতী যত
 বিরহ দহন, করিছে দহন,
 অবলার প্রাণে সহে গো কত ॥
 ঘরে গেলে পরে, সবে ঘরে পরে,
 তুলে দিবে শিরে কলঙ্ক ডালা ।

এই প্রেমদান, যেই প্রমদান,
না ঠেকেছে তার বল কি স্থান ॥

—ooo—

শিখাবতী সখীর উত্তর ।

কেন কেন সখি, এ ভাব নিরখি,
প্রেমে দোষ দেওয়া উচিত নয় ।
মনের কারণ, প্রেমের সাধন,
মন্ত্রান্ত বঁধুর পাশেতে রয় ॥
শুন লে গীহিলে, বিরহ নহিলে,
চিনিবে প্রেমের গুণ কি মতে ।
ওলো প্রাণ মই তোরে মার কই,
“নহি স্মৃৎং দুঃখৈর্বিনা লভ্যতে” । †
বিশেষত ধনি, ও বিধুবদনি,
বরং প্রেম হয়ে ভাল নিরহ ।

† অস্য সম্পূর্ণা কবিতেষং ।

শ্লাঘ্যং নীরস কাষ্ঠতাড়ন শতং শ্লাঘ্যঃ প্রচণ্ডতপঃ
ক্লেশঃ শ্লাঘ্যতরঃ সুপঙ্কনিচয়ঃ শ্লাঘ্যোতি দাহানলঃ ।
যৎকাষ্ঠাকুচকুম্ভ বাহুল্যতিকাহিলোললীলাসুখং
অক্লান্ত কুম্ভধর স্বপ্না নহি স্মৃৎং দুঃখৈর্বিনা লভ্যতে ॥
শূঙ্গার তিলকে ।

মৃত বৎস! বাণী, বরং নয় প্রাণী,

অপুত্রিকা বাণী অতি দুঃসহ ॥

হারণ মৃত বৎস! রমণী বাৎসল্য রসের আশ্বাদনভ জানে।

—০০০—

কন্দর্পমঞ্জরী সখীকর্তৃক বিরহপ্রতি ভয় প্রদর্শন।

—

রহ রহ বে বিরহ, বহুি সম অহরহ,

আর তুই কি প্রকারে জলাধি আমায় রে । ১০.

সেবক বৎসল শ্যাম, ব্যথেক যে আরে নাহু,

“বিফুলোকং স বহুতি” সাধু পণ পায় রে ॥

বারেক থাকুক দূরে, কোটিবার সে প্রভুরে,

জপি জপি জপবলে যাইবে তথায় রে ।

আমি তাঁর আসিবার বাঞ্ছা না করিব আর,

আপনি যাইয়ে তথা দেখিব তাঁহায় রে ॥

রসিয়ে রসিক সঙ্গে, তোরে দূর করি রঞ্জে.

করিব রে নিত্যলীলা লয়ে রসরায় রে ॥

—০০০—

ফুলকলিকা সখীকর্তৃক প্রেমসরোবর বর্ণন।

—

ভাবি নিরন্তর, প্রেম সরোবর, সুখা সম নিরমল !

মরি হায় হায়, কে জানে তাহার, আছে ঘোর হলাহস ॥

রাসরসামৃত ।

৩৬

অবর্ণ দর্শন, অরণ মনন, এই চারি তীর ঘাঁর ।
 ভাব হানি হাস,* রসের সম্ভাষ, পুষ্পবন চমৎকার ॥
 বিধাতার কলীলা, কিবা তীর্থশীলা, পূর্বরাগ † নাম তার ॥

* ভাবাদৈর্লক্ষণঃ ।

নির্গমিকলাতাকে চিত্রে ভাবঃপ্রথম বিক্রিয়া ।

শ্রীবাভঙ্গাদি সংযুক্তো ভ্রুনেত্রাদি বিকাশকঃ ।

ভাবাদীনঃ একাশোষঃ স হার ইতি কথ্যতে ॥

উজ্জ্বল নীলমণৌঃ

হাস সেই হাসে বলি বুথঃ হয় যেই ।

ভারতচন্দ্রকৃত রসমঞ্জরী গ্রন্থে ।

† পূর্বরাগ লক্ষণঃ ।

রতিধী সঙ্গমাৎ পূর্বঃ দর্শন অবগাদিজা ।

ভয়োরুগ্মীলতি আভৈঃ পূর্বরাগ স উচ্যতে ।

উজ্জ্বল নীলমণৌঃ

মতান্তরঃ ।

অবগাদর্শনাদপি মিথঃ সংকুরাগয়োঃ ।

দশা বিশেষো যোহগ্রাপ্তৌ পূর্বরাগ স উচ্যতে ॥

সাহিত্য দর্পণে ।

মতান্তরঃ ।

অপুঙ্খা অবগাদপি চিত্তাদেকাবলোকনাৎ ।

সাক্ষাদাকস্মিকাদপি দর্শনাদুজ্জতে জনে ॥

প্রাক্তনীরতিরুদ্ভূতা সম্প্রপ্তেঃ পূর্বমেবম্ ।

লাকদ্বয়ান্তরে পূর্বরাগতাম্প্রতি পদ্যতে ॥

ভলঙ্কর কৌস্তুভে ।

আলিঙ্গন জল, করে ঢল ঢল, হেলয়ে কটাক্ষ বায় ।
 করে কত রঙ্গ, মরি কি স্বরঙ্গ, চুসন তরঙ্গ তায় ॥
 সুখ মীনগণ, কোতুক কখন, কদলিনী মনোহর ।
 রাগ রঙ্গ সঙ্গ, সংগীত প্রসঙ্গ, প্রময়ে ভ্রমরবর ॥
 নাগরী নাগর, তাহে নিরন্তর, স্নান করিবারে যার ।
 কিন্তু এই খেদ, কুস্তীর বিচ্ছেদ, গ্রাস করে হার হার ॥

‘অনঙ্গমঞ্জরী সখীর ছলে হরিনিন্দা ।

একি তব রীতি হে ব্রজপতি ।
 ছলনা করো না জলনা প্রতি ॥
 সাধিয়ে ডাকিয়ে আমি যুবতী ।
 কেমনে এননে বধ ক্রীপতি ॥
 একেত গুরুম কাঠন অতি ।
 তোমার আবার বাঁকা মুরতি ॥
 চিকুর জিনিয়ে বর্ণের জ্যোতি ।
 সরল হবে কি তোমার নতি ॥
 জানি জানি কাল রূপের গতি ।
 তার সাক্ষী দেখ ঘন সম্প্রতি ॥
 যা হতে পাইল নিজ আকৃতি ।
 তাহারে সংহারে হেন প্রকৃতি ॥

হবে না হবে না কেন তেমতি ।

তুমিত সে বর্ণ ধারি শ্রীপতি ॥

—ooo—

দুতীর উত্তর ।

এ নব শুনিয়া ক্রোধে বৃন্দা দুতী কয় ।
 হরি নিন্দা করো না গো প্রাণে নাহি সয় ॥
 তোমরা কহিছ তাঁর কঠিন মরম ।
 কিঙ্ক শ্যাম তবজনে করে গো নরম ॥
 বাঁকা বটে কিন্তু সোঝা করে ত্রিভুবন ।
 কাল হয়ে আলো করে জগতের মন ॥
 বিশেষত জান না কি রূপ কালরূপ ।
 জগতের আদি বস্তু জানিছ স্বরূপ ॥
 হয় নাই যখন সৃজন ত্রিভুবন ।
 রবি শশি আদি কিছু ছিলনা তখন ॥
 সূতরাং কখন আলো ছিলনা তৎকাল ।
 শুদ্ধ ছিল সেই কাল আর বিশ্বপাল ॥
 ব্রহ্মস্বরূপী যে জন সে জনো ব্রহ্মাকার ।
 অতএব কাল নিন্দা ভাল নয় আর ॥
 ভাবিয়ে কালরে সার জগত্-ইশ্বর ।
 ত্রিভুজ কালিম অঙ্গ ধরিল সূন্দর ॥

এস সবে ত্রীকেশবে করি অবেষণ ।

যত্ন বিনা রত্ন লাভ না হয় কখন ॥

—ooo—

গোপীগণের ত্রীকৃষ্ণাঘেষণের ভাবী

যুবতীগণ যৌবন ভার ভরে ।

টলিয়ে পড়িছে অবনী উপরে ॥

বিরহে বাহিয়ে কি মতে বলনা ।

হরি তত্ত্ব করে অবলা ললনা ॥

অবশেষ অনঙ্গ রসে রসিয়ে ।

চলিলা অলুরাগ রথে রসিয়ে ॥

উচ্চ শাখী দেখি জিজ্ঞাসা করে ।

তোমরা দেখেছ সে গুনাকরে ॥

তারা বহু দূর দেখিতে পায় ।

যদি কোথা দেখে সে শ্যামরায় ॥

জিজ্ঞাসে যমুনা নদী নিকটে ।

কারণ ত্রীকান্ত বসেন তটে ॥

উত্তর না পেয়ে হইল অগ্নি ।

বলে জানি ওত যমের ভয়ী ॥

শেষেতে স্থধায় তুলসীবনে ।

বৃক্ষসে উত্তর দিবে কেমনে ॥

আহা না বুঝিল ক্রোধের ভয়ে ।

বৃন্দারে গোপীরা ভৎসনা করে ॥

গোপীগণকর্তৃক তুলসীর প্রতি ভৎসনা ও শাপ প্রদান ।

বৃন্দে জানি লো তোমারে ২ ।

সতিনী বলিয়ে বুঝি খুশা এ সবারে ॥

বৃক্ষ হয়ে কি প্রকারে ২ ।

হইয়াছ হরিপ্রিয়া এ তিন সংসারে ॥

• বুঝি সেই অহঙ্কারে ২ ।

কল্লটি কহিয়ে নাছি সম্ভার কাহারে ॥

নীচ উচ্চ হলে পরে ২ ।

“ ভূবদ্ব্যন্যতে জগৎ ” কহে মর্দন করে ॥

গর্দ ঘাবে ছারে খারে ২ ।

কুকুরে প্রেতাব করি দলিলে তোমারে ॥

শ্রীকৃষ্ণ ও রাধিকার পদাঙ্ক দর্শনে গোপীগণের ভারোদয় ।

এই রূপে বৃন্দাবনে, ভৎসি নবে বৃন্দাবনে,

অন্য বনে হয় উপনিত ।

নেত্র করে অনিবার, সদা করে হাহাকার,

ইতামেতে জীবন কাঁপিত ॥

হেন কালে পথ পানে, চেয়ে দেখে স্থানে স্থানে,

পড়িয়ে প্রভুর পদচিহ্ন ।

ধ্বজ বজ্রাঙ্কুশ রেখা, রয়েছে সুন্দর লেখা,
অতি পরিষ্কার ভিন্ন ভিন্ন ॥

অমনি রমণী দলে, কেঁদে পড়ে ভূমিতলে;
রেণু নিয়ে মাখে সর্ব কায় ।

বলে ওহে পদরজ, অন্তরে যাইয়ে মজ,
দূর কর বিরহের দায় ॥

শুনেছি প্রভুর গুণ, তিনি নাকি সুনিপুণ,
ভক্তগণ দুঃখ নিবারণে ।

ভক্ত সে ভবের ধ্বজ, জানাতে নাকি সে অজ,
ধ্বজ রেখা ধরেন চরণে ॥

ভক্ত জনে দেয় যার, দমন কারণ তার,
বজ্র চিহ্ন করেন ধারণ ।

কুকর্মে ভক্তের মত, হলে মত্ত করি মত,
ও অঙ্কুশ বারণ কারণ ॥ *

তাই বলি রেণু শুন, কেন এত সুবিগুণ,
এভক্ত কামিনীগণে হরি ।

* ত্রীকল্পপদচিহ্নানি । যথা

চক্রাঙ্কুশ কলসং ত্রিকোণ ধনুষীং খং গোপ্পদং প্রোষ্ঠিকাং,
শঙ্খং সবা পদেহং দক্ষিণপদে কোণাষ্টকং স্বস্তিকং ।

চক্রং ছত্রং জবাঙ্কুশং ধ্বজ পবী জঘ্নীকরেখাম্ভুজং,
বিভ্রাণং হরিনুগদিং শক্তি মহালক্ষ্মীচক্রাঙ্কুশং ভজে ॥
কল্পচিহ্নানণে ।

এই রূপে গোপী সব, কাতরে কবেন স্তব-

• প্রভুর পদাঙ্ক লক্ষ করি ॥

পরে দেখে তার কাছে আর এক চিহ্ন আছে,

নারীপদ চিহ্ন দেখি হয় ।

বিস্মিতা হইয়ে তবে, বলে সখি দেখ তব,

• কাহার এমন ভাগেদয় ॥

দল মাঝে সখীগণ, দেখে করি অবেষণ-

• শুদ্ধ মাত্র গ্রীবাধিকা নাই ।

বলে ওলো চারুশীলে, কি পুণ্য করিয়েছিলে,

মরি তের লইয়ে বালাই ॥

ফাকি দিয়ে সবাকায়, একাই সে শ্যানরায়,

লয়ে ভোর করিলি রজনী ।

কিছু মাত্র দয়া মনে, হল নাকি চন্দ্রাননে,

নোরা তোর হইত সজনী ॥

যেমন করেছি গর্ব্ব, তেমতি হরেছি খর্ব্ব,

• পেয়েছি তেমতি শান্তি ঘোর ।

• আর না সহিতে পারি, লয়ে এস বংশীধারী,

দাসী হরে রব মোরা তোর ॥

—◆—
ইতি গ্রীষ্মারিকানাথ রায় বিরচিত গ্রীসরসামৃতে

গ্রীষ্মেনলীলাবর্ণনো নাম তৃতীয়ঃ স্কন্ধঃ ॥

শ্রীশ্রীরাধাকৃষ্ণে ।

জয়তি ॥



রাসুরসামৃত ।



অথ চতুর্থ রস ।




রাগিনী বিকিটি । তাল মধ্যমান ।ঃ

থাক হে মিলন তুমি অতি সাবধানে

বিরহ সতিনী তব আছে সে সন্ধানে ॥

দেখ যেন ছল করি, ধরিয়ে লয়না হরি,

তারি বশ বংশীধারী কত খেলা জানে ॥



শ্রীকৃষ্ণের আগমনে গোপীগণের করুণা প্রকাশ ।



এই রূপে গোপীগণ, দুঃখার্ণবে স্রমগন,

তৈল যেন পাগলিনী প্রায় ।

ভক্তাধীন ভবাধার, তৈতে না পারেন আর:

কন যেতে হইল আঁমায় ॥

রাধা সনে অবশেষ, ধরিয়ে যুগল বেশ,

প্রবেশ করেন, কুঞ্জবনে ॥

তিনদিনে পীতবাস, তাহে গৃহ-মুখ হাস,

সুপ্রকাশ যথা গোপীগনে ॥

দেখি সবে কমলাখি, হৈল অনিমিত্ত আঁখি,

কদম্ব কুহুম সম গাত্র ।

কেমন হইল ভাব, কি বর্ণিত সে প্রভাব,

ভাবকে বুঝেন মনে নাহি ॥

যথা চিরদিন জন, চির দিন পরে ধন,

পাইলে যে রূপ ভাব পরে ।

সেইরূপে রাজাঙ্গনা, স্থানার্গবে অঙ্গনা,

ত্রিভঙ্গ পাইয়ে রঙ্গ করে ॥

কেহ বরে পীত বাস, অধরে মধুর হাস,

কোন সখী পরে করদ্বয় ।

কেহ বা কাঁচিয়ে বলে, পাড়িয়ে চরণভঙ্গে,

কে বলে ভোঁমাঝে দয়ানর ॥

কে বলে হে নারায়ণ, তুমি হে ভক্তের ধন,

তা হলে কি এত দুঃখ হয় ।

তুমি নাকি বংশীবাদি, ঘোর তবতর হারী,

তা হলে কি ভয়ে প্রাণ যায় ॥

আহা মরি দ্বীরাধিকা, হল তব প্রাণাধিকা,

যার লয়ে নিঃস্বপ্নে বঞ্চিত ॥

অনিরাঙ ওহে হরি, তব পদ ধ্যান করি,

তবে কেন এত দুঃখ দিলে ॥

যদি বল জগৎপতি, দর্পে হন এ দুর্গতি,

তারো হেতু তুমি হে ক্রীপতি ।

বপুপুরে নিরন্তর, আত্মরূপে বাস কর;

তুমি সর্ব স্বমতি কুমতি ॥

স্বকর্ম কুকর্ম চয়, তোমারি ইচ্ছায় হয়,

তবে কেন দোষ গোপিকায় ।

পাইয়ে অসীন দুখ, দেখিলাম বিধু মুখ,

কাম পূর্ণ কর শ্যামরায় ॥

বুঝিয়ে সবার মন, হাসিয়ে শ্রীনারায়ণ,

মনঃ প্রাণ করিয়ে হরণ ।

রাস রস তরঙ্গেতে, রসিলেন সুরঙ্গেতে.

জগতের তারন কারণ ॥

মহাদেবের আন্তি । *

এখানে আকাশ পথে, সুরগন থাকি রথে,

দেখেন জগতনাথ রঙ্গ ।

*শ্রীভাগবতীয় রাসকীড়াবর্ণনাতে মহাদেবের আন্তিবিষয়ে কোন কথার উল্লেখ নাই; এ সঙ্কলন মতান্তরে প্রাপ্ত হওয়া গিয়াছে ।

যথা । রাসকীড়াং সমালোক্য নান্দিত্যোতিশয়ং হরঃ ।

ছলেন শ্রীহৃদিং জাভুং গোপীরাগং দধাতিসঃ ॥

শঙ্করের সেইক্ষণে, সন্দেহ জন্মিল মনে,
 বলে একি রজ্জ্ব হে ত্রিভঙ্গ ॥
 বিরিকি বাসব শেষ, না পান যাঁহার শেষ,
 আমি শিব যাঁর ধ্যানকারী ।
 যাঁহার প্রেমেতে মজি, স্থখ ভোগ সব তাজি,
 হই যাঁর প্রেমের ভিকারী ॥
 সে ধন কি বৃন্দারণ্যে, আতীর নারীর জন্যে,
 হয়েছেন মদনেতে মত্ত ।
 স্তম্ভ সত্ যাঁর মর্শ্ব, তাঁর এ অসত্ কর্ত্ত,
 কেমনেতে বোধ হবে সত্য ॥
 অতএব আজি শেষ, ধরি কোন ছদ্ম বেশ,
 দেখিব রে সেবা কোন জন ।
 ইহা ভাবি পশুপতি, চলিলেন দ্রুতগতি,
 ব্রহ্মা তাঁর বুঝিয়া মনন ॥
 কহেন ইন্দ্রের প্রতি, শুন ওহে সুরপতি,
 দেখ দেখি কি করেন ভব ।
 অনঙ্কিতে গুপ্ত ভাবে, তাঁর পাছে পাছে যাবে,
 দেখে আসি কবে মোরে সব ॥
 অস্ত মাত্র সুররায়, শিব পাছে পাছে ধায়,
 শৌখে এক অঙ্কুর দেখিয়ে ।

বিস্মিত হইয়ে অতি, ফিরে আসি শীত্ৰগতি,
ত্রক্ষারে কহেন বিবরিয়া ॥

— ০০০ —

দেবরাজকর্তৃক অত্যদ্ভুত ব্যাপার বর্ণন ।

—

শুন প্রজ্ঞাপতি, কি কব ভারতী, যে অদ্ভুত দেখিয়াছি ।
কখনো এমন, না করি চর্চন, ত্রি ভুবন জমিয়াছি ।
গিয়ে কিছু দূর, দেখি গো ঠাকুর, কোথা যেন গেল হর ।
কেমন করিয়ে, আইল মিলিয়ে, তিন লোক চরাচর ॥
আগে জলধর, সবার উপর, ধরিয়ে সর্পের বেশ ।
কুণ্ডলী করিয়ে স্থহিরা হইলে, বসিয়ে রহিল শেখ ॥
না শুনি কখন, সর্প হয় ঘন, কি আশ্চর্য্য আহা মরি ।
মেঘের উপর, শোভে সুধাকর, তথা মেঘ চন্দ্রোপরি ॥
হেরি এ সময়, অর রসময়, নিছ পহু ছুইখানি ।
আর ইন্দীবরে, রচিত দুশয়ে, রাখিল তথায় আনি ॥
জানি গো, চকোর, পানে হয় ভোর, গগণশশির সুধা ।
সে চাঁদে বসিয়ে, শুক সুধা পিয়ে, নিহুতি করিছে ক্ষুধা ॥
সুধাতে মজিয়ে, যায় সে ডুবিয়ে, বিশ্ব দেখি এ সময়ে ।
শুদ্ধ চঞ্চুকায়ে, ষ্টাগায়ে তথায়, রাখিল ভক্ষণাশয়ে ॥
তদন্তরে আর, দেখি চমৎকার, করিকুস্ত দাড়িয়েতে ।
হয় ঘোর রণ, উভয়েরি মন, থাকিতে এক স্থানেতে ॥

শেষেতে দুজনে, প্রেম আলাপনে, দুপাশে রহে দৌহার ।
 তার অতি কাছে, বিশদ্বয় আছে, প্রকুল পঙ্কজ ভায় ॥
 দেখি তার পর, এক সিংহ বর, ত্যাগ করি কলেবর ।
 মধ্য স্থানে আসি, রহিল প্রকাশি, শুধু কটি কণীতর ॥
 এ রস দেখিতে, সাগর হইতে, এক দ্বীপ তথা আসি ।
 অদ্ভুত দেখিয়ে, মোহিত হইয়ে, হল তার পশ্চাৎবাসী ॥
 পরে করিকর, হইল অধর, করিকুন্ত গেল বলি ।
 হাসি হাসি হাসি, রহে দ্রুত আসি, হয়ে অতি কুতূহলী ॥
 দেখি তদন্তর, যেই সুধাকর, ছিল সকলের আগে ।
 সে বেন আসিয়ে, রয়েছে বসিয়ে, ভাগ হয়ে দশ ভাগে ॥
 সবাকার পরে, দেখি প্রভাকরে, কমলিনী সহ সুখে ।
 হাসিয়ে হাসিয়ে, রসেতে ভাসিয়ে, প্রেম করে মুখে মুখে ॥
 কে বলে ভাস্করে, থাকিয়ে অন্তরে, পশ্বিনীয়ে ফুল করে ।
 তবে কেন সুখে, তথা মুখে মুখে, ভাসিছে প্রেমসাগরে ॥
 শেষেতে আসিয়ে, স্থান না পাইয়ে, স্বর্ণ হয়ে বর্ণময় ।
 ঢাকিল সবায়, মরি সে শোভায়, মানস মোহিত হয় ॥
 হায় হায় হায়, বর্ণে সে সবায়, ঢাকে কার সাধ্য বল ।
 যে গুণ বাহার, হরে সাধ্য কার, যাগিয়ে রহে সকল ॥
 দেখি সে ব্যাপার, মনঃ প্রাণামার, রহিতে চায় গো তথা ।
 তবে যে স্বরায়, এলাম হেথায়, তোমাকে কৈতে সেকথা ॥

এ সব শ্রবণে, বিধি ভাবে মনে, যাঁরে ত্রিভুবনে সার্থে ।
হায় দুর্গাকান্ত, তাঁর প্রতি ভ্রাস্ত, একি ফের সার্থে সাধে ॥



বিধাতাকর্তৃক অদ্ভুত ব্যাপারের গীমাংসা ।

শুনিয়ে শক্রে'র বাণী যত সুরচয় ।

জিজ্ঞাসেন বিধাতারে হয়ে সবিস্ময় ॥

কহ কহ পিতামহ এ আর কেনন ।

এমন অদ্ভুত বাণী না শুনি কখন ॥

হাসিয়ে কহেন বিধি শুন সুরগণ ।

অমে পড়েছেন আজি দেব পঞ্চানন ॥

ঈশ্বরের রাসরস দেখিয়ে নয়নে ।

বিষম সংশয় তাঁর হইয়াছে মনে ॥

এহেতু নোহিনী বেশ ধরিয়ে সংপ্রতি ।

ছনিত্তে খাইতে তাঁরে করেছেন সতি ॥

মেঘ যারে সর্পাকারে দেখে স্বকেশ্বর ।

সে নহে প্রকৃত মেঘ কেশ বেনীবর ॥

তদন্তরে দেখে চন্দ্র সোভ চন্দ্র নয় ।

এমনি মুখের প্রভা চন্দ্র জ্ঞান হয় ॥

ইত্যাদি যে সব দেখে ত্রিদশ প্রধান ।

সে সব একেক অঙ্গ তাহারি সমান ॥

একপ স্ত্রীকপে তাঁরে ছলিবেন হর ।
 ব্রজ ব্রজ তিনি কিম্বা কোন ভূষ্ট নর ।
 করুন ছলনা তাহে না করি বারণ ।
 কিন্তু তার প্রতিফল পাবেন তেমন ॥
 কতবার আমি তাঁরে বুঝিতে নাড়িয়ে ।
 দেখিছাছি কত মতে ছলনা করিয়ে ॥
 তেমতি তাহার শাস্তি পেয়েছি তৎক্ষণে ।
 সে পূব অখ্যাত মন বিখ্যাত ভুবনে ॥
 এইকণে ব্রজদেবে কথোপকথন ।
 এদিগে শঙ্কর লয়ে শুন বিবরণ ॥

—০০০—

হরির প্রতি হরের জঙ্ঘবেশে ছলনা ।

বাছি ত্রিলোকের রূপ, ধরি রূপ অপরূপ ।
 মন অতিমত্ত, রাস ভূষা যত, পরিগেন কতরূপ ॥
 মরালের গর্ভ হরি, গমন যেমন করী ।
 নিকুঞ্জে আসিয়ে, দাঁড়ান হানিয়ে, চঞ্চলা চঞ্চলা করি ॥
 যেখানে কামিনী ভাগে, দাঁড়ায়ে সবার আগে ।
 শ্রীপতির প্রতি, কহেন ভারতী, প্রেম রস অনুরাগে ॥
 ভাসি দুঃখ পারাবারে, পেয়েছি প্রভু তোমারে ।
 দ্বিয়ে আলিঙ্গন, রাখ হে জীবন, মরি হে মার বিকারে ॥

অন্তর্যামি হৃষীকেশ, দেখিয়ে শিবের বেশ ।
হাসিয়ে ইঙ্গিতে, নরন ভঙ্গিতে, মায়া প্রকাশিয়া শেষ ॥

—•••••—

শ্রীকৃষ্ণের মায়া প্রকাশ ।

যে লোচনে দেখিছেন নিকুঞ্জকানন ।
যে লোচনে দেখিছেন নন্দীর নন্দন ॥
যে লোচনে দেখিছেন গোপবধু চয় ।
সে লোচনে ত্রিলোচন দেখেন ব্যাতায় ॥
কুঞ্জবন নহে সেত বৈকুণ্ঠভুবন ।
নন্দমৃত নন তিনি ঐ ভু নারায়ণ ॥
গলে দোলে কৌন্তুভি কিরীটি শিরোপরে ।
শঙ্খ চক্র গদা পদ শোভে চতুষ্করে ॥
ভৃগুপদ চিহ্ন হৃদে কি শোভা আশরি ॥
সভা করি বসেছেন রত্নাসনোপরি ॥
কত ব্রজা ইন্দ্র চন্দ্র শমন অরারি ।
রত্নাসন শিরে ধরি বসি সারি সারি ॥
যত গোপাঙ্গনা তারা দেবাজ্ঞনাগণ ।
শোভা করি বসেছেন হয়ে সভাজন ॥
বৃষভানুসূতা যিনি তিনি সিঙ্খসূতা ।
প্রভুবামে বসেছেন ঈষৎ হাস্য যুত ॥

নারী নহে স্বয়ং স্বরস্বতী চন্দ্রাবলী ।
 মানা রাগে অহুরাগে গান পদাবলী ॥
 সে ত বৃন্দা দ্বুতী নয় ভুধরনন্দিনী ।
 নিজ জায়া মহা মায়ী ভুবনবন্দিনী ॥
 সবাকার আগে বামী বন্দিয়ে ত্রিপদ ।
 ঘোড় করে স্তব করে ভাবে গদগদ ॥ †

† এই বর্ণনা দ্বারা পাঠকবর্ণ এমত বোধ করিবেন না, যে
 বৈকুণ্ঠধামের লক্ষ্মীনारायणই রাধাকৃষ্ণের আদিক্রম; রাধা
 কৃষ্ণের যুগল রূপই লক্ষ্মীনारायण প্রভৃতি ত্রিসংসারের ভাব
 রূপের আদি কারণ; যে যুগলরূপ গোলোকধামেতে অহরহ
 বিরাজমান। তবে যেভগবান্ বীহায়াতে মহাদেবকে বৈকুণ্ঠের
 বেশ দেখাইলেন; সে কেবল তাঁহাব প্রবোধের জন্য মাত্র।
 গোলোকচন্দ্রের ও গোকুলচন্দ্রের রূপেতে কিছু মাত্র অভেদ
 নাই; সুতরাং কিপ্রকারে গোলোকের বেশ ধারণ করিবেন।
 এবং গোকুল বৃন্দাবনেতে ও গোলোকধামেতে প্রায় অভেদ ও
 অর্থেও প্রায় এক ভাব, সুতরাং মায়াতে বৈকুণ্ঠধাম কল্পনা
 করিতে হইল। গোলোকনাথের রূপবর্ণন। যথা।

নবীন নীরদ শ্যামং কিশোর বয়সং স্তবং ।
 শরঙ্গধারী রাজীবপ্রভা মোচন লোচনং ॥
 শরৎ পার্শ্বপূর্ণেন্দু শোভাচ্ছাদন মাননং ।
 কোটি কন্দর্পলাবণা লীলা নিন্দিত স্তম্ভরং ॥
 কোটিচন্দ্র প্রভামুখ পুষ্ট ত্রিযুক্ত বিগ্রহং ॥
 সম্মিতং মুরছীহস্তং স্তম্ভসমং স্তম্ভজলং ॥
 বহিঃসংস্কার লীতাংস্ত যুগলেন সমুজ্জ্বলং ।

অংকুত স্তোত্রং ।

অম্ব নারায়ণ কৃষ্ণ মুরারে,

মাধব মধুকৈটভ দম্বজারে ।

ত্রিবর্গদাত্রী তরল তরঙ্গা,

তব পদজাতা স্তবিমল গঙ্গা ॥

চন্দনোক্ষিত সর্বাঙ্গং কোমলেন বিরাজিতং ॥

আজানু মালতীমালা বনমালা বিভূষিতং ।

ত্রিতঙ্গ তক্ষিমা যুক্তং মুক্তা মাণিক্য ভূষিতং ॥

ময়ুর শিখ চূড়ঞ্চ সজ্জত্ন মুকুটোজ্জ্বলং ।

রত্ন কেয়ুর বলয়ং রত্নমঞ্জার রঞ্জিতং ॥

রত্ন কুণ্ডল যুগ্মেন গণ্ডস্থল অশোভিতং ।

মুক্তাপংক্তি বিনির্মলক দশনাংস্ত মনোহরং ॥

লক বিষাধরৌষ্ঠঞ্চ নাসিকোন্নত শোভিতং ।

বীক্ষিতং গোপিকাভিষ্চ বেষ্টিতাভিষ্চসুস্ততং ॥

স্থির যৌবন মুক্তাভিঃ সন্মিতাভিষ্চ সাদরং ।

ভূষিতাভিষ্চ সজ্জত্ন নির্মাণ ভূষণেনচ ॥

অরৈশ্চৈশ্চ মুনীশ্চৈশ্চ মহুতির্মানবেশ্চৈকৈঃ ।

ত্রক্ষ বিষ্ণু শিবানন্ত ধ্রুবান্ধারতি বন্দিতং ॥

ভক্তিপ্রিয়ং ভক্তনাথং ভক্তানুগ্রহ কাতরং ।

ব্রাহ্মসম্বরং অরসিকং ব্রাহ্ম বক্ষস্থলস্থিতং ॥

এবং ক্রপমকুপস্তং ধ্যায়ন্তে বৈকুণ্ঠা মূনে ॥

ত্রক্ষবৈবর্তে ।

গোলোকধাম গগনং ।

উজ্জ্বলিতং বৈকুণ্ঠং পঙ্কিশঙ্কোদ্ভিষাজনং ।

গৌ গোপ গোপী সংযুক্তং কল্পবৃক্ষগাষিতং ॥

বিভো ত্রিগুণধর সংসারপতে,
 সূদীনবন্ধো সংসারগতে ।
 জগদীশ জনার্দন কংসারে,
 হুঃ ব্রহ্ম পরং ভবসংসারে ॥
 দশরথতনয়ো ব্রহ্মকস গথনাং,
 হরঃ পঞ্চাননো গুণ কথনাং ।
 জগ্ন যজ্ঞেশ্বর দশানন্যারে,
 তব পদ নৌভ বশাবারে ॥
 ব্রজেশমুনো ব্রজপুরীন্দো,
 রাধাজীবন করুণাসিকো ।
 দুষ্টদমনাদ্ধনকপধারী,
 সেবক রমণ্যাদ্ধনবিহারী ॥

মায়াধ্বজ ।

যে কপ আছিল কুঞ্জ যতেক যুবতী ।
 যে কপ ছিলেন রাধা চন্দ্রাবলী সতী ॥
 কি রূপে সে কপ পুন হইল স্বকপ ।
 নিজ মায়াজাল ছেদ করিল জীকপ ॥

কামধেনুভিরাকীর্ণং রাসমণ্ডপ মণ্ডিতং । •

বৃন্দারণ্য বনাম্বনং—

ইত্যাদি । তত্রৈব ।

হিতুজ মুরলীধর হইলেন হরি ।
চন্দ্রমুখে মনঃস্থখে বাজান বাশরী ॥
বৃন্দা দূতী নিজ রূপ করিয়ে ধারণ ।
আন্ত উমাকান্তে কিছু করিছে ভ্রংসন ॥

— ০০০ —

শ্রীকৃষ্ণের ব্যবহারে ও দূতীকথা ভগবতী উপদেশ ছলে
ভ্রংসনা করাতে লজ্জার শঙ্করের অন্তরঙ্গ প্রাপ্তি ।

মম পতি পশুপতি পশু মম মতি ।
কি মতে এমতি ভাল হবে হে শ্রীপতি ॥
চিরকাল মহাকাল তোমার সন্ধানে ।
অমেন সংসার ত্যজি শ্মশানে শ্মশানে ॥
হয়েছেন পঞ্চানন বর্ণিতে তোমায় ।
তথাপিও এত ভ্রম একি ঘোর দায় ॥
করেছেন নর জ্ঞান তোমারে স্মারি ।
নহে কেন হবে পররমণীবিহারী ॥
এই হেতু মনোরমা রামারূপ ধরি ।
ছলিতে আইলা ওই মহা রঙ্গ করি ॥
না বুঝেন তমোগুণে মজিয়ে শঙ্কর ।
মিনি জগতের পতি কেবা তাঁর পর ॥
বিশেষত জগন্নাথে যে ভাবে যে ভাবে ।

বেদে বলে অবশ্য সে জন তাঁরে পাবে ॥
 এক রাগ নানা নাম করিলা ধারণ ।
 পুত্রাদিতে হলে স্নেহ বলে সর্বজন ॥
 গুণাদিতে হলে ভক্তি অভিধান হয় ।
 কাম ভাবে হলে স্নেহ পিরীতি প্রণয় ॥
 একারণ কাম ভাবে অনুরাগ করি ।
 কেননা পাইবে নাথে যতেক সুন্দরী ॥
 পুথের মতের কিছু নাহিক নির্ণয় ।
 অনুরাগ করিলেই পাইবে নিশ্চয় ॥ *
 বিশেষত কাম ভাবে দেখি সবাকার ।
 অতিশয় অনুরাগ হয় অনিবার ॥
 অতএব বুঝ এ সন্ধান আসে যার ।
 তাই শীঘ্র কৃষ্ণ লাভ হৈল গোপিকার ॥
 —কৃষ্ণকোড়ের ধন যতেক নাগরী ।
 নিজপতি পাশে রয় ছায়া রূপ ধরি ॥ ‡

যথা । কামঃ ক্রোধঃ ভয়ঃ স্নেহমৈক্যঃ সৌহৃদমেবচ ।
 নিত্যং হরৌ বিদধতো যান্তি তন্ময়ভাঃ হি তে ॥
 শ্রীভাগবতে ১০ স্কন্ধে রাসকীড়াবর্ণনে ২৯ অধ্যায়ে ।

যথা । কৃষ্ণকোড়গতা গোপ্যচ্ছারাবান্ধতর্জ্বণ ।
 ভবিষ্যপুরাণে ।

কিছু মাত্র অহুরাগ নাহিক ভর্তায় ।
 রতি মতি নতি সব ত্রীপতির পায় ॥
 একে অহুরাগ যার তার নাম সতী । *
 কৃষ্ণ তিন্ন গোপীর নাহিক অন্তঃমতি ॥
 নিরুজ্জনে নিকুণ্ডবনে ঘনৈর আবেশে ।
 গান্ধার্যবিবাহ † তারা করে হৃষীকেশে ॥
 এই হেতু সিদ্ধান্ত করেন সাধুচর ।
 গোপীগণ ত্রীকৃষ্ণের পরকীর নয় ॥ ‡
 দেখিয়ে হরির কৰ্ম্য নত শির হর ।
 দূতীকপা নিজ জায়া ভৎনিল বিস্তর ॥
 অধৈর্য্য হইয়ে ঘোর লুজ্জার বিকারে ।
 হলেন প্রসন্নময় † তাজি সে আকারে ॥

—

* যথা । একেমাহুরাগো বস্যাঃ সা সতী ইতি কথ্যতে । জনশ্রুতঃ

‡ গোপনে বর কন্যা পরম্পর অহুরাগ দ্বারা যে বিবাহ
তাহার নাম গান্ধার্য বিবাহ ।

† বৃন্দাবনে ত্রীগোপীশ্বর নামা এক শিবলিঙ্গ আছেন ;
অনুভব করি তিনিই ঐ প্রসন্নময় মূর্তি । যথা

ত্রীমদবৃন্দাবনং ধন্যং যমুনায়াঃ প্রদক্ষিণং ।

শিবলিঙ্গমধিষ্ঠাতা দূতৌ গোপীশ্বরভিধঃ ॥

পাশ্বে পীতালথণ্ডে ১ অধ্যায়ে ।

প্রভু কন ভাল যদি হইলৈ প্রস্তুত ।
 আমি এক বর দিব ওহে স্মরহর ॥
 অদ্যাবধি বৃন্দাবনে আসিবে যে জন ।
 তোমা'রে শ্রুজিয়ে মোর করিবে গুজন ॥
 কাণ্ড দেখি গোপীগণ অবাক হইল ।
 অকান্ত জগতকান্ত একান্ত জানিল ॥



রাসবিহার বর্ণন ।

অনন্তরে রাসরসে রসে নারায়ণ । *
 ভাবকন্তজের বুদ্ধি করণ কারণ ॥
 মঞ্চ করি তত্পরি করিলেন রঙ্গ ।
 মধ্যে মধ্যে এক গোপী একেব' ত্রিতঙ্গ ॥
 পরস্পরে করে করে প্রবন্ধ হইয়ে ।

* এই রাসকেলি সময়ে ঐকুণ্ঠ নিবাসিনী, নানা সুখাভিলাষি-
 নী, দারিদ্ৰ নিবাসিনী, হাব ভাব হেলা জীলা লাভ্যাদি
 সম্পূর্ণা; কৈলিকুশলা কমলা দেবী, অপাঙ্গ ভঙ্গিক্রমে ক্রমে
 ক্রমেরাসক্রীড়ার্থ তত্র আগমন করিলেন, শ্রীরাসেশ্বর সেই পরম
 সুখময় রাসমণ্ডপে তাঁহাকে আভ্যন করিলেন না । যে হেতুক
 তিনি অত্যন্ত চঞ্চল, ঐশ্বর্যা বিলাশিনী, কি প্রকারে ব্রজের মধুর
 প্রেম ভাবানুগামিনী হইবেন । এ জন্য দেবী অত্যন্ত ব্যথিতান্তঃ
 করণে আপনাকে দিকার প্রদান দ্বারা ব্রজ খোণী হইবার
 মানসে কঠোর তপস্ব্যাত্ত প্রবৃত্ত হইলেন ।

হৃত্য করে চক্রাকারে আনন্দে মাতিয়ে ॥
 গোপিকার অলঙ্কার বাজে ঘন ঘন ।
 এলাইয়ে পড়িতেছে স্তনের বসন ॥
 কটির বক্রতা হয় হৃদোর ছটায় ।
 উরু ডুক নিতম্ব সমুদ্রে ফাঁপে তার ॥
 কুটিল কটাক্ষ করে ডুকর ভঙ্গিতে ।
 মজিয়ে মধুর স্বরে হরিশুণ গীতে ॥
 বিন্দু বিন্দু ঘর্ম হয় বদন কমলে ।
 যেন কত মার্জিত মুক্তার মালা ঝলে ॥
 ক্ষণে ক্ষণে হাস্য করে গোপিকা সর্কল ।
 সে যে ভক্ত জন মনোমুগ্ধ ধরা কল ॥
 সবাকার পাশে দাঁড়াইয়ে নারায়ণ ।
 সবে ভাবে নিতান্ত আমারি কৃষ্ণধন ॥
 একা হয়ে বাঁকা শ্যাম দৈহল্য এত জন ॥
 তাঁর কি আশ্চর্য্য যিনি ব্যাপ্ত ত্রিভুবন ॥
 সুর বৃন্দে মহানন্দে করে দরশন ।
 জয় নাথ বলি করে পুষ্প বরষণ ॥
 কেমনে সে শোভা আমি বর্ণিব কথায় ।
 ভুবনে ভাবিয়ে তুলা নাহি পাওয়া যায় ॥
 যেমন সূর্য্যের তুলা সূর্য্য মনে সার ।
 তেমতি তাহার সঙ্গে তুলন্য তাহার ॥

কার সাধ্য বর্ণে বর্ণে সৌশোভা প্রভাব ।

ভাবিলে ভাবকে মাত্র মনে উঠে ভাব ॥

কিশেয ব্রহ্মহু রস ব্রহ্মেরে লইয়ে ।

বর্ণন উচিত নয় বিস্তার করিয়ে ॥

কি জানি কিসে কি হয় নাহক নির্ণীত ।

বুধের বচন সর্ব অত্যন্ত গর্হিত ॥ *

প্রার্থনা ।

আহা মরি মরি আজি ভক্তের কারণ গো ॥

রাসরসে বৃন্দাবনে কি রূপ ধারণ গো ॥

যে রূপ বিধাতা ভুব আদি ভবজন গো ।

মনোগৃহে দ্বার দিয়ে করে বিলোকন গো ॥

বিরাজেন যে রসে শ্রীকৃপ সনাতন গো ॥

কি রূপে শ্রীকৃপে তার করিব বর্ণন গো ।

অন্য শ্লোকঃ ।

অতি দর্পে হতলিঙ্গা অতিমানসে কৌরবঃ ।

অতি দানে বলির্দ্বিজঃ সর্বমত্যন্ত গর্হিতঃ ॥

চানক্যসংগৃহীত নারসংগ্রহে ।

শ্রীভাগবত মতানুসারে, তদনন্তর ভগবান্চন্দ্র প্রামোদর্পবে
গগ্ন হইয়া, প্রমদাগণ সঙ্গে নানা রঙ্গে অতি ধীরে ধীরে
যমুনা নীরে তীরে, এবং কুসুম কাননাদিতে বিহার করিয়া
ছিলেন ।

যে রূপ দর্শনে নাশে শমন-দর্শন গো ।
অতএব দেখে মেলি-মানসনরম গো ।

—ooo—

এই গ্রন্থ পাঠাচ্ছির ফল ।

এই রাসরসামৃত করিয়ে যতন ।
যে জন করয়ে পাঠ শ্রবণ কীর্তন ॥
অনায়াসে দিব্য জ্ঞান হয় গো তাহার ।
হেলায় সে জন হয় ভবমিথু ॥
রাধাকৃষ্ণে প্রেম ভক্তি উপজে অবশ্য ।
এ গ্রন্থ প্রেমিক সাধুজনের সর্বস্ব ॥
যত ভাও পায়ও এ কাণ্ড শুনি হাসে ।
অনুরক্ত ভক্ত ভক্তি সাগরেতে ডুবে ॥

—ooo—

শুনিগণ এতি গ্রন্থকারের নিবেদন ।

—

এক পয়োধরে কিবা কৌশল বিধির ।
শিশু করে ক্ষীর পান জলৌকা রুধির ॥
বিচার করিয়ে বুঝ যতেক স্বধীর ॥

}

রাসরসাহিত্য

সেবপ গ্রহের গুণ গ্রাহি সাধুরন ।
 নিন্দকে সর্বদা করে দোষ আবাদন ॥ *
 স্তবরাং ভ্রমেতে মম ভয় অকারণ ॥
 আদিত্য + সর্বপ্রিয় সর্ব রসসার ।
 সতী যদি পতি লয়ে করে গো বিহার ।
 পুন ভক্তি রসে যদি মিল থাকে ভার ॥

মুখা। গৃহাতি সাধুরগরস্য গুণং নে দাযান্,
 দোষাবিতো গুণগণং পরিহায় দোষং ।
 মিল স্তবরাং পিবাতি দুষ্ক মস্তুগিহায়,
 ভ্যক্ত। পদোরাধিরমেব ন কিং কুলোকাঃ ॥ জনশ্রুতঃ

অন্যত্র । খলোপি স্তব্যাতে দোষান্ গুণ পূর্ণেষু বস্তবুঃ
 বনে পুষ্পকুলৈশু ক্তে পুরীষমিবশূবরঃ ॥ জনশ্রুতঃ ।

আদিত্যস অর্থঃ শৃঙ্গার রস তৎস্বরূপ । যথা ।

শৃঙ্গং হি মদনোদ্ভেদস্তদাগমনহেতুকং ।
 উত্তমপ্রকৃতিঃ প্রায়ো রসঃ শৃঙ্গার ইষ্যতে ॥
 • পরোচাং বর্জয়িত্বা বেষ্যাং বানমুরাগিনীং ।
 আলম্ব্য নায়িকাঃ স্ত্যর্দগিনাদ্যাশ্চ নায়িকাঃ ॥
 চন্দ্র চন্দনরোলম্ব পিকা দুদীপনম্রতং ।
 ক্র বিক্ষেপ কটাক্ষাদিরমুভাবঃ প্রকীর্তিতঃ ॥
 • ভীক্তো গ্র্য মরণালস্য জুগুপসা ব্যভিচারিণঃ ।
 স্থায়িতাবো রত্নিঃ কৃষ্ণবর্ষোসৌ বিষ্ণু ঈদবতঃ ॥

সাহিত্যদর্পণে ।

অতএব রসি রস হইল রচন ।
 বিবিধ মতের সার করি আকর্ষণ ॥
 দোষ যদি থাকে শুধিবেন স্বধীগণ ।
 বেদ রসে রসি ঋষি পরব্রহ্মের পানি ।
 সেই শকে এগ্রহ হইল সমাধান ॥
 হরি হরি বল সবে তবে হবে ত্রাণ ॥



মঙ্গল চরণ । আদ্যাক্ষরে চিত্রকব্জ ।

গৌ—রীকান্ত সদাশিব,
 রী—তি তাঁর দেখ জীব,
 ভা—বি হরিপাদপদ্ম
 নি—বাস শ্মশানেতে ।
 বা—হু। কল্পতরু যিনি,
 সি—দ্ধ হইবারে তিনি,
 ত্রী—পদ করেন ধ্যান
 ঘা.—র দিয়ে প্রাণেতে ॥
 র—হ মন সেই পদে,
 কা—ল কাট মিছা মদে,

না — জ্ঞান কি কাল শেষে
 র — র থর কাঁপাবে ৫ ।
 রা — খহ বচনামার,
 য — দ্বি হবে ভব পরে
 ক — মপদ কর দূর,
 ত — বে মুক্তি পাবে হে ॥



ইতি শ্রীমদ্যকুলসমুত্তীর্ণাধিকারনাথ রায় বিরচিত
 শ্রীরাসরসামৃত শ্রীশ্রেমসহবিহারবর্ণনো
 নাম চতুর্থঃ রসঃ ।



সমাপ্তোদয়ঃ গ্রন্থঃ ।

বিজ্ঞাপন

সাধারণের গোচরার্থে লেখা যাইতেছে, যে বাঙ্গালী
পুস্তক প্রায় অনেক স্থানেই সূক্ষ্মাঙ্গুল্য মতে মুদ্রিত হয় নাই।
অতএব গ্রহকারের ও আমার এই মত, যে আদ্যদিগের
আদেশ ব্যতীত যাঁহারা এই পুস্তক মুদ্রাঙ্কিত করিবেন,
তাঁহারা এই ব্যবহার নিবর্তক ইংলণ্ডীয় ব্যবহার নমুনাধীন
হইবেন।

ত্ৰিঈশানচন্দ্র মুখোপাধ্যায়।

